



草堂雅集卷之一

玉山顧瑛類編

陳基

字敬初台之臨海人明敏好學受知於晉卿黃先生
明春秋後以舉子業無益於學克志為古文詩章同
輩雖極力追之不能及名重於時游京師公卿爭與
之交而其德性慎重事親尤盡孝望而知其為君子
也

王氏三世孝感詩

惟蜀嘉州有王氏在昔遭兵中流矢鏃入骨間創發解疾

在翁身痛居子恨不捐軀代翁死焚香籲天誠有以願減
身年益翁齒天祚若翁病起他年翁子疽發背十竅聚
翁孫赴神乞請帝背忽無疽子忘斃孫獨何辜
窮一肢不信瘰乃躬病莫出門憂患攻絕粒待盡兒
念昔異疾纏二翁天實為之哀厥衷我獨能忘報父
一兄三季情所鍾蒲伏致禱精誠通父履復故行若
孝感能如許我一聞之淚交下孰則無兒孰無父王
氏似孫似祖秦人棄恩如棄土箕帚耰鋤尚堪數
僕嘗夜夢從彥成飲彥成曰此荔枝漿也飲之
令人壽子能為我賦之當贈三百壺予因口占

一詩覺乃夢也及會玉山聞彥成釀酒果名荔

枝漿白以所夢不覺大笑

仲瑛曰君當書此詩吾當與子致酒以負所夢因堯爾書之彥成見此必更大咲也

荔枝漿

涼州莫謾誇蒲萄中山枉詫松為醪仙人自釀真一酒洞
庭春色嗟徒勞璫漿滴盡生荔枝玉露瀉入黃金卮一杯
入口壽千歲安用火棗并交梨不願青州覓從事不願步
兵為校尉但令喚鶴更呼鸞日日從君花下醉

寄蕭尊師

我昔山中尋紫芝道遇真人行若飛自言鍊骨有仙術曾
事神農為雨師一從別後三千歲不住塵寰即方外我昨

題書遺羨門為問真人定安在答云往日隱東蒙上下風
雨騎蒼龍只今賣藥居靈越來往三吳弄明月天上非無
十二樓人間乃復愛蒼洲時上跨鶴乘雲氣歷覽無窮隘
九州勞生若為塵緣縛安得從之超廣漠手折三株海上
花去隨鸞鳳巢阿閣

寄姚子章

聞君又作錢唐客多在青樓少泉石佳人姓蘇名小小占
斷西湖好春色沙棠為舟桂為將上驚起鴛鴦飛兩上有時
醉倒百花間六橋歸來新月上行樂須當少壯時英雄自
古皆堪悲歸來莫負張京兆鸚鵡窓間喚畫眉

偶成

武陵溪水碧灣上窈窕幽期不可攀戴勝桑間飛自得王
睢洲上語相聞歌成桃葉臨流和采得蘋花帶月還見說
荔枝漿已熟不分涓滴到人間

南州五月尚蕪衣白苧窓間未脫機青李來禽書不至荔
枝盧橘賦多違水晶簾箔圍晴晝艾納爐熏逗夕霏為問
上都城裏客菖蒲花發幾時歸

賦楊花

巷南巷北晝冥上搖蕩春風未肯停薄命不禁巫峽雨前
身曾化楚江萍已于謝女詩中見更向劉郎曲裡聽腸斷

不堪回首處並人飛過短長亭

次錢伯行韻

五月東林水竹涼新荷葉小柳絲長且臨大令鵝群帖不
戀尚書鷄舌香趙客漫誇千樹橘杜陵共愛百花莊滿天
風露枇杷熟歸奉慈親取次嘗

次沈仲說韻

棟樹飛花雪打蓬居人行樂四時同波涵太澤平如掌雲
割西山半入空金刹遠瞻樓閣壯畫船爭載綺羅紅如何
越女承恩後不逐吳王住甬東

李錄判之饒州

閭門柳枝短君行不可緩贈君不折楊柳枝勸君飲此金
屈卮丈夫將身誓許國安用當歌傷別為青係洛鞵黃金勒
游宦鄱陽山水國何春處風最憶君琵琶洲上蘼蕪碧

送曹生侍親還琴川

愛此丹山五色毛綵衣初剪映仙桃奉親喜有銀絲鱠贈
別慚無金錯刀洲渚春深生杜若江湖波暖漲葡萄王褒
擬奏賢人頌肯學山人索價高

山行

朝入山莫入谷車連匕馬逐匕谷深無人山轟馬行不前
空躑躅平原五月莎草綠黃羊有羔牛有犢居

肉山行不如原上宿原上宿

歸故鄉作書為謝右校王願君白首不相忘

送俞紹芳還京兼寄幹勒元常

翩上南國佳公子
犖上高懷不可羈
相府蚤傳鸚鵡賦
儒林爭睹鳳凰儀
賈生名為吳公重
李白才惟賀老知
賓主東南推具美
雲龍上下喜相隨
十年載筆依金馬
萬里垂軺訪武夷
朝野欣逢起遺逸
關山寧復厭驅馳
嵇康懶惰真成癖
阮籍踈狂只自悲
親老每蒙朝士問
塗窮那免世人嗤
黃河雨過平如掌
泰華雲間翠入眉
歸見燕山劉戶部
願將忠孝答明時

寄危太僕楊季子兼呈惟中學士

閣中危老近何如
闕下楊生一字無
未省何時度灤水
可能八月到燕都
筆削已聞歸太史
論交猶喜及鴻儒
由來漢室文章盛
只數班郎製作殊

次韻笠澤漁隱二首

隱君於此攬清華
小築茅堂傍水涯
蒲柳高低迷曉岸
鳧鷖來往弄晴沙
輞川別置王維業
竹徑深通蔣詡家
復恐秋潮沒沙渚
故安小艇當乘槎

目斷江湖欲盡頭
放船曾作漾波遊
接罹倒着山公帽
紫綺時裁李白裘
鮫室杼機風雨夜
漁家燈火水雲秋
舊時

賓客多星散誰寫江南宋玉愁

題笠澤福地

笠澤真人福地深杖藜秋日此幽尋波涵太乙星辰動雲
鎮蓬萊觀闕陰靈樹三花皆結玉丹砂五色摠成金幔亭
別有通仙路留與曾孫宴古今

織錦圖

佳人織錦深閨裏恨入東風淚痕紫三年辛苦織回文化
作鴛鴦戲秋水秋水悠悠人未歸鴛鴦兩_二弄晴暉料應
花發長安夜不見閨中腸斷時

次韻趙君季文贈杜寬吹簫築吟

寒竹初裁蘆葉秋夜吹百花洲上樓千金縱有狐白裘難
買杜寬一藝優妙知音律能周鍛薛家小童安敢侔江空
月白爛不收冥搜四象悲陽侯哀泉鳴咽秦隴頭何年變
曲為涼州神工太古開黃牛驚出峽風颭_二葉落秋隨渭
水流渭水有盡情無休絲_二又若繭緒抽要眇寧以智力
求湏臾水激龍騰湫熊羆夜咆魑魅愁勸君不用皓齒謳
側耳聽此消百憂寬也胡為淹此留自合天上叅鳴球飄
然我欲歸帝丘仙人張樂烟霧浮蒼龍為車挾翠虬千秋
萬歲遲子同遨遊

寄友人

草堂雅集卷之一
扁舟三月到江城足馬先尋北郭生雨過小樓春寂々鳥
啼修竹曉嚶々家無黃耳傳鄉信門有蒼頭記客名見說
終南真可隱賸判秋色為君清

寄匡山人

早春相見又經秋々水迢々阻汎舟每見玉山問消息荔
漿何日寄江樓

題曹將軍馬圖

神駒生長渥洼中一匹能令冀北空類得真龍九重上將
軍筆法老逾工

題葛仙翁移家圖

是處青山可煉丹問君拔宅向何山縱令兒女恩情重雞
犬何心不肯還

再題葛仙翁移家圖

列仙之人其道無為超然物表遊於希夷厚祿不足致好
爵不足縻所以許由辭堯不受禪巢父聞之猶為洗耳河
之湄奈何葛仙翁與世猶支離求為勾漏令所欲何卑微
觀翁此行亦良苦妻子辛勤童婢饑翁知學仙不學吏委
以民社將安施仙家雖云足官府奈此人間小黠并大痴
君不見陶潛棄官歸故里又不見馬援謗興由薏苡縱得
丹砂亦不多誰信翁心澹如水雲門山有靈藥歸去來山

草堂雅集卷之一
中樂牛羊任所之雞犬從人縛急將印綬送還官變却姓名稱抱朴

奉和紅梅引

緘情脉脉待春來差勝苦寒時節開丞相圃中香寂寞水曹亭畔錦培堆致身合在黃金闕濁世紛如高潔却施脂粉學時粧林下丰神本清絕富貴西岡一夢醒獨憐標格尚分明認桃辨杏相嘲詠徒費詩人衆口爭春風如酒醉入髓暈上冰肌頰不俚化工於物豈容私暖在南枝真有幾和羹未說帝者師且先群木占園池他年擬結羅浮好託以女蘿加兔絲兩家臭味元相似安用昆丘問玉卮

雪後見梅有懷

華屋邊頭春信早梅花樹向南栽主人每愛凭闌看佳客從教著屐來風淨池塘鳴翠羽雪殘晴處見蒼苔間居未許安仁賦天上黃金正築臺

題杏花鬪雞

爾鵲莫逐朝飛雉雙雌爭雄俱鬪死爾鵲莫逐營巢燕吳宮失火難相見飲啄不離碧山阿栖止還依嘉樹柯王孫縱有黃金彈紅杏花間奈爾何

題昭陵六馬圖

秦王六馬一何驍生死同心鄂與褒酣戰每將戈止日並

驅長使血生毛流傳弟子初名幹服事將軍老姓曹貌得
真龍九重上昭陵刻石世同高

次韻武島上梅花

一灣新月浸瑤天琪樹花開朶已妍帝子乘風遊小水玉
妃和露泣踈烟碧波夜濕清虛府綠渚春餘綽約仙若遇
羅浮煩問訊少將華髮感流年

顧瑛詩曰碧波蕩漾鏡中天瓊樹春迴玉蕊妍
苔雨青已空落月江雲漠已不成烟吹簫似遇
緱山侶照影凝逢洛浦仙王母欲來青鳥下暗
香如水夜如年

題匡山人所藏圖

千尺飛流落半空散為烟雨盡濛已草堂留在匡廬曲頭
白歸來掩靄中

君住耶溪南

君住耶溪南我住耶溪北咫尺不知名采蓮始相識君愛
蓮有花我愛蓮有實花實本同根君心勿相失

送君當遠涉

送君當遠涉蘭舟桂為楫君去不思家妾夢長相接采蓮
將遺君采花不采葉妾貌不如花君心不如妾

貞女慎行圖

貞女慎行露君子戒履霜歲暮懷百憂離居增慨慷方舟
豈無楫河水亦可杭臨流不能度佇立以彷徨

芙蓉洲

草亭寂々倚中洲風景依々舊日遊江女蕩舟歌水調溪
翁結屋擬菟裘花迷島嶼紅雲暝香冷陂塘白露秋莫向
山陽吹短笛晚來沙鳥不禁愁

題柯博士墨竹

京洛緇塵染素衣故園清夢苦相思歸來無限江南意寫
作春風暮雨枝

題徽廟馬麟梅

內家春色少人知玉蕊冰蕤看轉宜說與宮中小兒女畫
樓瓊瑄莫輕吹

題趙翰林畫桃花馬

當時沙苑最權奇贈與吳興學士騎身上桃花千萬朵為
渠圖寫墨淋漓

題趙翰林唐馬

王孫昔侍金鑾殿親見天街進馬來貌得權奇大宛轉解
教人世識龍媒

題管夫人竹

綺窓春影綠娑娑夢作輕雲覆碧波日暮是誰調錦瑟一

江烟雨泣湘娥

題趙千里臨李思訓金碧山水

山上白雲朝暮生雜花流水捲閑情相思把筆題招隱千尺長松獨鶴鳴

題朱澤民山水

東曹興逐秋風起長揖齊王歸故里託言鱸膾與蓴羹遠害全身良有以神交海上陶朱公遭世雖殊心則同讀書把釣松江尾仰看浮雲行太空八月嚴霜下喬木萬里青冥眇飛鵠為謝長安馬上郎世間何物為榮辱

題漁亭秋望圖

霜落洗空河漢濕西風蕭蕭江水平灤綠洲孤亭小如笠上有高樹皆森立九疑青愁欲泣翠華零落何人拾寶瑟空彈鴻雁斜蒼梧帝子不歸家

題白描湘靈鼓瑟圖

班班湘竹淚痕深望斷重華隔遠岑花落黃陵春水濶至今鼓瑟有遺音

題雙雉圖

馬蹄朝踏杜陵塵野雉飛來不避人况是太平遊獵少上陽風日自成春

題王元章梅

武陵溪上桃千樹亦有寒梅照水開一種春風標格在太
平恩澤為栽培

題從子倫畫風梅花鴨

溪山風日兩相宜更著文禽沉綠漪自媿無才似山簡為
君題作習家池

題白描水仙

汗漫海上期嬋娟池中影麻姑姝未來相思月華冷

題二馬圖

一種權奇產渥洼暖風晴日過平沙尋常不敢施鞍轡知
是君王白鼻騮

題洪崖居士出山圖

張公不出山出山動千歲時騎白羸子狂歌每佯醉悵望
王屋深緬焉起遐睎

和新安梅韻寫玉山後

月照山中梅蕊新暗香踈影兩相勻素衣不受緇塵染同
是祇園樹裏春

天然標格賦清新冷蘂踈枝不自勻久與梨花不同夢何
勞惆悵惜芳春

雪裏俄看一蕊新空花頃刻已俱勻不知色相皆虛幻那
信優曇別有春

草堂雅集卷之一
玉山和張師夔詩曰寶地生春玉氣新苔烟如
霧翠光勻山僧分得維摩供三素雲中別有春
題凌波飛蓋

落日秦大夫皎皎漢臯女賦質新而殊託根乃一所願結
歲寒心不憚風雪苦猶勝河漢間脉脉不得語

題綠陰亭

嘉樹陰華屋空庭生晝涼端居宴冲漠餘響答滄浪月冷
芙蓉帳雲深薜荔牆焚香坐終夕幽興似帝郎

題水仙

水蒼為佩玉為人素質娟娟不愛春終古閨睢遺德化禮

防遊女漢江濱

題山居圖

曉出城南二里餘鳥啼花落暮春初杜陵帝曲山無數何
處林塘可卜居

題明雪窓蘭

曾從北渚過君山更向黃陵廟下還帝子不歸芳草碧鷓
鴒啼處雨班班

題三白士女

長松百尺吹天風仙人憑虛離紫宮明月掛樹雲容已寒
衣獨憇流青瞳炯若秋水涵芙蓉玄霜未下珠露濃桂樹

偃蹇山蔭從烟蘿空青深太古薜荔吹香雜蘭杜渴飲石
泉飢瑤蓋逍遙不比巫山女朝為行雲暮行雨人間回首
空塵土何如丹丘與玄圃珊珊玉珮風冷上群仙夜誦盡
珠經紫金之冠朝玉京青幢絳節鳳皇笙蓬萊弱水今淺
清何當從之拾瑤英一往不死三千齡

文殊寺高閣

何年蘭若倚崔嵬觀閣連天晷晷開澤國魚龍霜後蟄江
河鴻雁日邊回闌干迥溯虛空上歲月深從浩劫來自信
平生愛登覽夕陽高處重徘徊

重遊文殊寺次錢伯行韻

野舟閒艤白鷗沙同訪文殊大士家滿地夕陽人散亂一
天秋色雁橫斜江楓冷墮蕭上葉山菊晴開細上花歲晚
登高懷重古轉驚兄弟隔天涯

鴻雁篇

鴻雁雙上度鴈門相呼相喚不離群晝啣蘆荻防繒繳夜
宿關河同夢魂稻梁既足江南闊秋水增波葉微脫洞庭
湖畔卧雲沙彭蠡磯頭弄烟月一朝無事忽相違一向東
飛一向西上飛渺上秦山曲東去悠上滄海湄秦山滄海
遙相望顧影徘徊各怊悵山有猩猩鼯與罔羅水有蛟鼉與
風浪回頭却恨不同栖辛苦皆因獨自飛不問天南與天

北何時相見得同歸

寄錢伯行

小堂閒寂俯漁磯
江月留人坐不歸
半吐野梅疑索笑
並栖沙鳥忽驚飛
孤烟隱隱圍晴色
脩竹娟娟弄晚輝
不是錢郎期不至
也應安樂戀庭闈

寄沙刺班伯溫秘卿

君侯高義重南金
欲奉馳驅媿不任
劉向傳經心獨苦
馬遷載筆意何深
朱轡未許分符出
華髮懸知向鬢侵
日日燕山有飛雁
家書都不寄江浔

遣懷

策杖江臯每獨行
園林二月未聞鶯
紅塵陌上應千尺
白髮春來又幾莖
自分才疎甘屏迹
久擬人棄任浮萍
漢庭亦有中常侍
安得才如馬長卿

過袁靜春先生墓

每讀遺文為悵然
一杯今酌潁湖邊
空餘袁晏先生宅
不見山陰道士船
日暮蛟龍歸近浦
春深鷗鷺散平川
卽君也復能傳業
白首躬耕於墓田

寄衍上人

屏迹江湖懶曳裾
縱觀物理愛逃虛
清明已過百花盡
穀雨又逢三月初
豈有拾遺躑躅句
僻漫慚中散
絕交書只應

為結廬山伴蓮社相從意有餘

次韻袁仲長竹堂感興

一曲桃源憶故人白頭詞客最傷春南柯已寤平生夢東海曾揚幾劫塵綺樹鶯花徒自好畫堂絲竹為誰陳不須聞此空惆悵且看瑤姬舞綉茵

題雨竹

二月江南春雨深帝子不來勞我心所思只在岑陽浦吹徹叅差竹鳳吟

橫翠樓

虛樓直上面群峯積翠氤氳一萬重晴散岩扃時隱豹晝為雲氣或從龍寶華自落元無蒂天女空行不見蹤絕境世人應莫到漫聞烟際動疎鐘

題柯博士畫

丹丘仙子眇何之零落春風玉樹枝阿閣鳳皇無處宿漫勞湘管月中吹

送危太僕四首兼柬金華黃先生蘭溪吳博士

海內聞名二十年班荆長記客幽燕天官載筆推良史延閣談經列衆賢三月風光愁送別五湖春色好題箋只緣鞍馬勞王事未許扁舟聽雨眠

故人迢遞日邊來駐馬江亭訪草萊談笑豈惟能愈疾權

娛兼肯共持杯李膺舟裡神仙侶郭隗臺中國士才芳草
青三春欲暮送君南浦思徘徊

公才犖也負經綸匹馬翩也走驛塵南國梅黃逢細雨上
林鶯老憶餘春名山盡擬搜玄秘滄海寧忘問隱淪若著
清朝耆舊傳金華遺老不成人

伯城中五日遊懶騎官馬厭登舟步尋鄭老通宵語坐
愛黃山竟日留只把簡書詢故舊不將名姓答諸侯石榴
花發綠江去應訪蘭溪一散愁

寄鄭山人

萬里江湖一羽毛相思終日阻波濤山光并入終南秀月

色偏依少室高天祿圖書通白虎蓬萊宮殿湧金鰲丈人
不忝更生輩歲晚寧辭校讎勞

安石榴一首寄鄭山人

江南朱夏石榴繁絳萼紛披向日翻思與荔枝登玉食榮
兼筠醬入金門偶聞六實同根蒂遂記千房詫子孫為謝
漢庭張奉使相如白首向文園

寄幹勒彥文

幕下惟君最少年青春相憶路絲也推宋玉能為賦却
笑楊雄尚草玄千里獨看吳渚月一書不寄楚江船致身
好在青雲上莫漫登樓學仲宣

次韻陳仲叔方見寄兼簡沈仲說

作客不自慰懷人如酒中雨深芳草碧春暖落花紅自咲
嵇康懶誰悲阮籍窮知君情最重應念

又把酒愁無賴看詩獨眼明性兼陶令達才

共庾公清山暖櫻桃發江春杜若生
櫻桃發江春杜若生思君臨水坐沙鳥亦忘情

次韻錢伯行飛雲樓小集懷王季野

為惜春光一半過如澠美酒金波共知此會情偏重獨
恨平生飲不多鼓瑟欲終仍緩節投壺才罷即高歌却憐
燕子樓中客蘇小橋邊奈樂何

賦朝采江上蘋送陳伯善時伯善新婚

朝采江上蘋生江水闊采之欲何為言贈新知別新知
行奉親綵服照青春不因裁剪好安得著來新去辭南
浦春波蕩柔櫓還復念離居丁寧託鸚鵡珍重早回舟蘋
花不奈秋但令潮有信莫倚草忘憂

謝袁可立惠盧橘

風露離餘萬顆故人遠致自題封幸分嘉實當朱夏不
負幽花款暮冬南國情多書漫答上林才薄賦難攻獨憐
此日庭闈裡甘旨全勝荔枝濃

寄朱元達

扁舟西望渺無端萬頃波濤一釣竿杜若洲邊思謝朓鱸
魚江上憶張翰蒼山著雨晴逾秀綠樹偷雲晚更團乘興
何時訪幽獨對眠江閣聽風湍

題張鍊師所藏畫梅

幻藥能招水月魂蓬萊宮殿集靈芬誰將處士明珠珮獨
贈仙人萼綠君海國有香飄艾火洞天無夢化梨雲春風
想見瑤池會瀟灑真妃玉作群

送華亭杜縣尉

二月松江如早秋木蘭為楫沙棠舟南郡神仙來作尉西
都恩澤會封侯種柳暫隨陶令賦隱詩應共陸機遊送君

鷗鷺灘前路令我相思欲白頭

寄葛子熙楊季民

去年客京師與江西葛子熙楊季民飲於濟南
張署令家櫻桃薦酒時季民將赴溧陽屬予賦
詩而子熙為之書予還江南一載而二子尚留
京師張君亦未離太常感時撫事悵然興懷因
賦長句一首奉寄

去年京國櫻桃熟公子親沾薦廟餘色映金盤分處近思
兼冰酪賜來初酒酣惜與楊生別詩罷叨從葛老書今日
江南春雨歇亂啼黃鳥正愁予

留別張熙載

短棹携書又入鄆臨流分杖重踟躕形容自笑如樵客行
止誰令類賈胡綠渚風光回杜若白沙晴色上蘼蕪期君
一日誠千里莫負翻口汗血駒

寄申屠彥德

春風浩無踪綠徧江上草遊子行未歸關山一何杳白日
不可留朱顏豈長好按劍歌慷慨憂思結懷抱子桑獨何
為簞食常不飽展禽亦三黜中懷惟直道貧賤豈足憂仁
義乃為寶黃鵠栖崇丘嘉魚泳深藻所期乘風波萬里終
可保

次韻吳宗師生日感恩詩

化國真不慶日長五雲晴色映金堂草微漢室芝房瑞露
浥堯詩寶甕漿桂觀燕居陵倒景行宮齋宿候朝陽詠歌
思澤期天保傳到人間雨露香

簡鄭山人

國士文章海內傳丘園風雨故依然空聞太守延徐穉猶
喜諸生禮鄭玄官樹鶯啼初繫馬講堂雀下或銜鱸廣文
方築招賢館肯使先生老一羶

送庸田司寶惟善經歷

籍甚中朝彥翩然萬里情禮從蓮幕重詩到水曹清未雪

辭吳會先春入薊城殷勤黃閣老能不問蒼生

送姚子章調浙東帥府令史兼簡楊大中錄判

昭代眷東國土壤際窮髮開閩涖四明元帥秉節鉞所敦
在詩書車馬時簡閱內以撫丞爇外以綏姪辟置幙府
下詎可非俊傑姚君古遺直豈肯事乾沒侯藩樹風聲漕
府淹歲月簡拔實至公一洒時論缺丈夫志卓犖誰能脫
羈紲但念儒冠微彌縫乃無闕祖道城東門君馬行已秣
飲酒不盡歡贈言答敢輟野水沉句吳名山滿甌粵相望
各異鄉春漲溟海濶緬懷楊功曹為政已英發君行當見
之為我道離別

送庸田劉運使赴閩

三年溝洫敢論功恩與鹹臺禮數崇水部有詩皆似錦使
君無馬不為驄勝遊不憚三山遠薄賦欣逢四海同嘗罷
棋榔有餘味佳人休說荔枝紅

劉向平生經濟才獨遠鵷鷺久徘徊鶴書又赴鹹臺去虎
節還從水部來路入七閩連百粵心依五嶺望三台遙知
別後書堪寄春近南雲有雁回

次韻叔方寄沈仲說

公子新成江上宅更依西渚結幽亭時清墟里還無警月
黑紫扉不用扃流水暗和琴瑟響好山濃入畫圖青故人

白雪歌難和孺子滄浪曲自聽每厭狂夫談酒譜還從處
士授茶經庭前賸折忘憂草不負君家玉膽瓶

八月十三夜汎姚城江

畫船撾鼓唱回波皓齒青蛾不用歌好月愛看輪未滿清
秋莫問夜如何明將織女机絲動寒恐姮娥白髮多天上
清光應更足羽衣安得共婆娑

何年江水出姚城轉角東南地勢傾彩月夜當河漢動客
星秋入斗牛明一波不起魚龍靜百穀初登海宇清生喜
太平身少壯浩歌擊楫豈無情

次韻答張庸

我行四方今始歸回視所歷皆堪悲閑路崎嶇望無極精
魄摧喪難為持前瞻平陸君可取振轡頃刻俄已非嗟哉
微命犯重險念此憂患何當遠崢嶸亂石無改轍况復霜
露沾裳衣天寒日暮豺虎叫山空木葉猩鼯飢長安薪米
如桂玉環堵蕭然抱羈獨平地波濤劇艱阻豈但長溪與
深谷雖無良田負東郭賴有詩書貧可讀平生志願在溫
飽胡不還家共燈燭驅車不返竟何為妻子山中向天哭
王侯第宅與雲齊五陵衣馬皆輕肥富貴由來歸世胄安
用經術研精微故人張生非碌碌投我長謠兼短曲才華
如此年尚少一掃能令千兔禿憂來為我發浩歌張生張

生奈爾何人間岐路何其多

次家兄之湖州兼柬同府判幹勒叔敬教授

結髮相從讀父書故園茅屋捲荒蕪
嗟投筆干公府終勝雕蟲作陋儒
菽水粗能為母具菜羹猶可備兒需
殷勤好去酬知己莫待秋霜上髮鬚

異鄉兄弟那堪別况是江空歲晚時
薄祿重為慈母計緜袍深戀故人知
綠波亭下鷗盟近碧浪湖頭鴈影遲
為謝郡中賢判府此行應不負驅馳

安定先生足典刑金源文學播芳馨
已承博士尊三傳更飭諸生授五經
馬氏有兄眉最白阮家諸老眼偏青
水精宮裏神仙府為借清風送鶴翎

西墅

西墅幽期每自知晚來無物不宜詩
白蘋點綴秋波遠紅樹留連落照遲
親老正當貧賤日身輕深荷聖明時
可能便把投竿手來問漁翁覓釣絲

簡陳子貞

丞相流風久未泯丈人才力老逾新
周南每恨留司馬谷口誰能問子貞
九月風霜虫乳蟄五湖烟水雁來賓
相逢莫漫嗟遲暮欲把遺經究獲麟

次韻錢伯行中秋翫月

直學雅集卷之一
桂影婆娑白兔間九霄風露滿江山斗牛直上天懸近河
漢西流夜莫攀織女机絲清淺際姮娥宮殿有無間坐看
博望乘槎處安得相從萬里還
臺觀參差近廣寒金莖承露玉為盤誰知天上中秋月却
向人間獨夜看此夕屢驚烏鵲夢當時羞着鷓鴣冠可憐
牛渚磯頭客不遇將軍興亦寬

聽寧上人弹琴

忽七歲將宴鬱不自聊况兹霜露集驚颺振寒條之子
從何來携琴坐衡茆為我理素曲五音紛以調莊聽斂手
衽幽憂為之消鳶鳳戲雲中餘音相與飄別鶴驚宵露衆
葩悅春朝婉麗不可極忽復變蕭寥清風散六合白日耀
層霄流水一何深泰山一何高過魯慨觀樂適齊感聞韶
疇知今日樂俛仰千載遥寤言欲報之媿乏英瑤瑶

秋日過杞菊別業二首

扁舟遠赴故人期出郭東行慰所思角里兒孫猶種菊輞
川賓客總能詩尊前醉舞携如意花下狂歌倒接罹欲訪
汾湖高士宅隔江烟樹晚參差

曾是吳松江上客片帆秋日重來過未從地主求田舍先
問溪翁覓釣蓑霜露滿洲丹橘熟烟波維艇白蘋多臨流
為洗煩囂耳一聽滄浪孺子歌

露文閣為鄆伯常賦

公子愛脩潔宴坐焚椒蘭朱火生青烟網緼升博山瑤雲
成五色佳麗不可殫忽然為芝蓋輪囷殊未闌輕風散紛
郁流芳花竹間曲戶春窈窕綺疏日闌珊霏_二縈舞袖歡
樂有餘閒

夜坐懷二君子

良夜殊未央明星一何爛懷人阻層城邈若河與漢栖鵲
驚露叢落葉依井幹據梧不成彈惻_二空長嘆

許具瞻之官武義

江水蕩蘭舟青山入柁樓邑人迎令尹還似魯中年風水

三年別兩地同明月不寄越西書令人生白髮莫訪赤松
家休栽滿懸花甘棠如可護留與邑中誇

題幽竹萱草圖

為陳元禮作

報妾平安信知君遠戍身好花難作佩留慰北堂親

題鈎勒竹

素節亭_二不可移珊瑚為幹玉為枝高堂歲晚看圖畫仿
佛清風見伯夷

元夕

畫堂燒燭照初晴緩節安歌間玉笋火棗種成_二玄圃樹笑
蓉開滿化人城香飄洞府春迢遞月轉銀河夜淺清腸斷

一聲金縷曲佳人疑是許飛瓊

送韓與玉北上兼呈張先生仲舉

總角曾為同舍生春風玉樹照人清
閑西早事張夫子洛下爭迎陸士衡
草入瀛洲春漸綠日臨鳩鵲雪初晴
漢家文物西都盛獨有甘泉賦未成

南國高人有俊才青春獻賦上蓬萊
飄零不飲新豐酒慷慨還登郭隗臺
太液恩波春激灑五陵佳氣日崔嵬
北門供奉如相見好寄平安一字來

送韓執中同韓與玉北上

春光三月滿神州公子翩翩逐俊遊
江漢不傳王粲賦閑

河同泛李膺舟玉城迢遞將烟繞
金水縈紆並日流
總是少年同舍客驪駒一曲迥添愁

題四明悟真觀蕭爽軒白玉蟾嘗留題

蕭爽東南福地開五雲樓觀鬱崔嵬
逸人或佩蒼龍下玉母時乘紫氣來
山色巖從開蕙蒨地靈歛吸領蓬萊
玄都壇上題詩客浩劫朝元獨未回

寄王可矩尚書

生逢堯舜坐明堂身佐夔龍入廟廊
每以經綸裨衮職豈惟文采動鸞行
人來洛下無書寄春到池南有雁翔
早晚定趨青瑣闥從容能不問滄浪

寄韓勒允常御史

布衣夙忝故人知，痛飲狂歌不復疑。
白日看趨天祿閣，青春催入鳳皇池。
三年江漢悲遊子，萬里關河眇夢思。
早報綉衣行郡邑，為騎駘馬慰栖遲。

次韻趙伯行江上春暮

太湖之水近當門，荇葉芹芽暖正繁。
不問主人還看竹，每逢隣叟為開尊。
燕歸王謝江邊宅，犬吠朱陳柳外村。
步履春風歸去晚，野童篝火候籬根。

澤國今年春雨多，閉門春盡惜蹉跎。
雲飛越嶺無書至，花落吳宮有雁過。
自笑塞翁猶失馬，誰因內史誤烹鵝。
裁成白苧無人聽，悵立東風獨浩歌。

送鴻山楊士可赴嶧縣巡檢

公子翩翩去莫留，好山無數剡溪頭。
清時不共伯鸞隱，暇日還從安道遊。
花底蕩舟歌越女，尊前把酒看吳鉤。
臨風聽徹黃金縷，折贈一枝安石榴。

送范德輝赴縉雲教諭兼柬高則誠

不逐扁舟汎五湖，一官迢遞縉雲墟。
遺民世守軒轅鼎，博士家傳魏國書。
夜月定聞隣縣鶴，秋風莫憶故鄉魚。
到州為謝高書記，日已相思賦索居。

題富鍊師仙山訪隱圖

客有子微子學道居松陵身卧雪灘曲心將秋月明太湖
烟水催揚鈴去訪隱者尋仙靈桃花之源浪得名何如入海
窺蓬瀛蓬瀛樓觀何崢嶸縹渺金碧之空青扶桑東枝掛
白日鉅鰲不動波濤平仙人王喬乘風下青冥要君與君
語欣然若平生飲君以沆瀣之微液贈君以琬琰之華英
授君長生不死之奧旨保君神明愈久而清澄丹丘羽客
遙相迎足繭浮雲同上征蒼龍為車翠羽旂風伯前驅玉
女仍直排閭闔朝紫清天上差樂人間苦君獨胡為思下
土林屋深通水晶府勅制群龍主賜雨指麾豐隆使擊鼓
飛揚舲馮夷舞馮夷舞樂未央昔年往遊今故鄉堯
舜無為四海康千秋萬歲下有巢許長徜徉

黃雀行

黃雀何飛也雄鳴呼雌野草低暮歸莫傍空城栖空城挾
彈多小兒朝飛莫傍東家屋東家鷲鳥食爾肉不信但看
梁上燕昨日養雛今不見不信更看桑間雉錦翼離襍爪
中死東家公子非少息彼鷲不仁誰敢嗔吁嗟爾生亦甚
微彼鷲不仁謹避之

慈烏曲有序

至正十年夏四月詔賜高年帛吳興沈右以純孝稱而
其祖夫人歲九十前後被賜三而思有加君子既感國

家忠厚之澤洽于天下又羨右之孝樂其親之壽而榮其賜之侈也蓋觀感而有歆慕艷之心焉於是天台陳基為賦慈烏曲以歌之其詞曰

慈烏尾畢逋朝夕且呼哺爾離今日慈烏一何樂飛向樹頭兼屋角飛去飛來鳴且啄門前忽有吏言致篚與筐中有兩束帛爛也生天光孫也出見吏再拜陞母堂祖母康強年九十受帛拜天仰天立太平恩澤高年及歡樂盈門動鄉邑殷勤裁剪製為衣長短於身無不宜母著衣孫起舞日也見烏來反哺萬歲千秋荷明主

送李彥章

青絲絡馬頭遊宦古蘇州蘇州城東萬斛舟前年運粟直沽口送別江亭折楊柳承恩頭插上陽花錫宴尊傾光祿酒江上今年楊柳黃辟書千里有輝光勇騎閩外將軍馬飽食閩中荔子漿閩中女兒歌白苧把酒勸君為君舞將軍好文不好舞武自古閩中稱樂土

空明山人歌

丹丘子空明山結髮為吏干公卿懸河之辨縱復衡法家之書刑與名少年騎馬入公府白首尋真歸赤城赤城仙人下青冥手捧寶籙遙相迎虛皇敕住委羽洞服事劉郎為弟兄劉郎乘風朝紫清雲為旗兮霓為旌盡留璫田教

種玉約以不死三千齡三千齡在何許來往東吳復西楚
看成珠樹著三花管鳳鞭鷺却輕舉

玉簫引

金華仙人周子竒能吹三十六瑄之叅差
疏音間節傳自女媧氏上引浮丘公下接王子晉
來往伊水之濱維水之緱氏山頭輕作別二子不知何所之
空留子竒子與世同

歔商歛羽雜宮徵龍吟鳳噉能使鬼神上下莫得窺
端倪昔年西王母翩上會瑤池親遣侍女董雙成學得妙
曲崑丘歸至今縹緲十二之玉樓餘音長繞蟠桃琪樹枝
請君休汗漫我欲與爾期若非釣天即洞庭仰叅軒轅帝

俯友虞廷夔後天而老不死長追隨周子竒此曲莫向人
間吹

次韻鄭山人謝沈存齋栢木拄杖歌一首

海南山青海波綠秀氣盡鍾嘉草木栢柳刻杖世罕見堅
潤不數西玉沈君乃吾友鄭老真吾師沈君贈此不愛
惜老子曳之行賦詩七尺之軀既貧且病足曉得此杖差
勝桂林之一枝出門頓增百倍力入海欲踏金鰲脊又欲
逐日窮西極翩然却去謁祝融正值栢柳秋有實剖而食
之狀如火齊赤蠻烟毒霧不敢侵底用丹砂駐顏色擇地
而行坎則息深山大谷俱躋攀此杖鏗然爪甲間山鬼見

之莫敢奪泣淚化為妖血殷榭柳杖出南海安得進之於
冢宰扶顛持危切用在空令此老杖於鄉上下古今千百
載

烏夜啼引為秦州趙子威使君賦

閩人王昉字季境為淮東帥府奏差被誣繫揚州錄事
司獄時趙公為秦州以廉能稱部使者移其獄使讞之
遂反其寃

烏夜啼在庭樹烏啼啞上天欲曙阿兒被誣身繫獄盡室
煩寃受荼毒烏啼胡為繞吾屋下堂喚婦起聽烏忽喜門
前有素書上中報道兒罪脫此樂欣上天下無兒歸拜母

為母說秦州使君當世傑執法霜臺奮司臬明如青天皎
如日寃獄平及解縲綆已死復生誣得雪海可枯山可裂
使君之德不可滅烏啼愛我庭樹枝我愛君上不知使君
歸朝奉天子日上聽烏為君喜

白鴈操

梁君出獵其臣公孫襲善其君之聽其言而作
有群白雁王其弋諸蠢彼行者王其釋諸匪伊是釋惟王
之德王德伊何曰齊景公一言之善上格帝衷人獵得獸
於言何有王獵得言王千萬年

鴻鵠操

晉平公浮于西河感船人固桑好士之言而作

鴻鵠于飛以翮非毳君子好士宜別其類鵠飛冲天其有以夫美哉山河守以士夫孰謂彼夫言有旨夫

送王本初縣尹赴鄆城兼簡磁州本中使君

憶昔至正初北游客京師辱交伯仲間日夕相追隨磊落青雲器聯翩丹鳳姿愧無高山調酬君白雪詞俯仰八九年南歸滄海涯竊聞霜臺上風猷肅網維允矣伯氏賢克當明主知仲氏二安陸重為人所推中朝名公後復始非君誰前年復至京伯也官于磁治州如室家拊民若嬰兒靈草毓三秀瑞麥生兩岐伯也置不言獨詠豐年詩凜

君子風不啻先公為政成報天子寵錫有光輝人言古循吏龔黃邈難追孰知忠厚化昔聞今見之仲也復為邑鄆城鬱魏_上朝廷重守宰簡書有程期一門雙金南共下白玉墀又如兩騏驎為主效驅馳河水昔橫溢生人四流移桑間為寇攘觸罪姦有司坐令齊魯俗化為蠻與夷今君寄民社所念當在茲願試父兄術為民療瘡痍君服亦已華君佩何陸離朝發江之滸暮宿河之湄行當見伯氏為我道睽違

草堂雅集卷之一

草堂雅集卷之二

玉山顧瑛類編

黃潛

字晉卿婺之金華人延祐甲寅張起岩榜中第至侍
講學士與虞馬齊名寓吳開元寺綠陰堂時予始獲
見遂得其詩集云

發大都

辭親獨行邁遙上抵京國胡為突不黔驅馬更遠適至尊
有時巡樹羽殷阡陌宿衛必近臣顧問須耆德陋臣亦何
知冗從同執戟草深原野青雨暗關塞黑窅上盛年意眷

眷遊子色一身萬人中敢不思努力

劉蕢祠堂

劉君古遺直祠堂在丘園嗟此豪俠窟文雄歛孤騫平生
二三策匪徼明主恩瑣々談失得無乃市井言憑高一長
望苦厭車馬喧微風過疎雨青山滿前軒陰晴歟異態浮
雲實無根悠々千載心去々無失二字

居庸關

連山東北趨中斷忽如鑿萬古爭一門天險不可薄聖人
大無外善開非捷鑰車行已方軌關吏徒擊柝居民動城
市廬井互聯絡幽龕白雲聚石鏡青泉落地雖臨要衝俗
乃近淳朴政須記桃源不必銘劍閣僕夫跼謂我無為久
淹泊山川豈不好但恐風雨惡

榆林

崇々道商土云是古長城却尋長城窟飲馬水不腥斯人
亦何幸生時屬休明向來邊陲地今見風塵清禾黍被行
路牛羊散郊坰儒臣忝載筆帝力倚那名

槍竿嶺

憶昔賜第歸吾母適初度蹉跎歲年晚今辰乃中路居人
誇具慶游子慚叱馭茲山稱最高揚鞭入烟霧轟々多峭
峰蒙々饒雜樹崎嶇共攀援躑躅頻返顧陳情未成表登

高詎能賦獨憐桑乾水還向盧溝去

李谷老

緣崖一徑微入谷雙崦窄密林日易曛况乃雲雨積行人
望烟火客舍依山色家僮為張燈野老煩避席未覺風俗
殊祇驚關河隔嚴程不可緩子規勿勸客

赤城

鷄鳴秣吾馬晚飯山中行何以慰旅懷赤城有嘉名灘長
石齒_匕樹細風冷_匕時見石壁間粲若丹砂明溫泉發其
陽撫呵効百靈前峰指金閣真境標珠庭白道人跡踈青
厓雲氣生信美無少留緬馬起深情

龍門

竦身望龍門緩轡行兀_匕溪迴愁屢度雨橫驚暴溢兩厓
儼相向百水怒爭出人言馬上即快意美多失自非渥洼
種不得矜捷疾飄_匕蛾虱臣凜_匕鼉鼉窟

皇靈重覆冒利涉用終吉回睨向所經千障隱朝日青林
外盤紆黃流中蕩瀟後來未渠央君子宜戰慄

獨石

解鞍及亭午稍欣烟霧收蒼然衆山出歷_匕知雕鏤前瞻
一石獨靈宮居上頭頗聞去年夏水激龍騰湫走避登屋
山夜半齊呀咻幸茲溪澗中今作清淺流宴安不可懷變

化誠難求翠華渺在望行矣毋淹留

檐子窪

自從始出關數日走崖谷迢遞度偏嶺險盡得平陸坡陀
留土山高下紛起伏連天暗豐艸不復見林木行人烟際
來牛羊雨中牧颯然衣裳單咫尺異寒燠佇立方有懷相
逢仍問俗畏途宜疾驅更傍灤河宿

李陵臺

日暮官道邊土谷容小憇漢將安在哉荒臺猶彷彿低回
為之久懷古增歔歎長風吹曠野飛雨千里至蕭條蒼山
根草木餘爽氣常憐司馬公予奪多深意奏對實至誠論

錄存大義史臣司述作遺則敢失墜

上都分院

晨興過桓州旭日生蒼涼舉頭見觚稜金碧何巍煌洪河
貫其前青山環四旁暮投玉堂署齧峯屹中央升階旅群
彥官燭分餘光琴冊森在側談笑來清觴列坐無所為陳
詩詠黃唐帝鄉豈不樂父母遠莫將起視雲漢低垂星爛
寒芒南飛有冥鴻邈哉天際翔

右紀行詩十二首虞伯生題云少陵入蜀路崎嶇故有
淒涼五字詩應奉為官隨翠輦固應同調不同辭

雜詩五首

日月東西行群動亦不息寄身萬物中寧獨謝茲後所以
魯中叟惶惶走南北聖哲諒已然旅人能久息
晨起步南園旭日朗以清葵花衆艸中曄曄數丹榮流光
非汝私獨爾心自傾覽物有深懷佇立方含情
璞玉與寶劍淪落初未偶君看被湔祓各在千年後將身
比金石誰當獨長久悠悠百代下相知復何有
孤雲淡無心出山偶為雨長風忽吹散渺然歸無處惟餘
向來山突兀青如故慷慨魯仲連功成身已去
春風着萬物欣欣皆自私可憐兒女私花榮悴更相持獨有
澗底松偃蹇如不知何疑楊執戟草玄髮若絲

效古五首

上山見明月下山月相隨月起知愛我已行自見之故山
日已遠故人不可思殷勤謝明月願爾無盈虧
女美衆所悅士窮衆所輕上重安足言泥盡水自清淮陰
初寄食曲腰膝下行季子黃金多妻嫂來相迎自古已復
然嘆息無吞聲

擊石乃有火石火光不揚攀天亦有路天高路何長差我
萬古雲下覆歌哭場富貴誠足多貧賤不可忘
落花隨風吹各自東西飛花既不息水流復無極同生不
同歸能勿異顏色木生則有枝豹死則有皮悠悠岐路間

多言亦奚為

飲酒莫盡醉盡醉無餘顏讀書莫弔古弔古多悲酸蕭艾
蔽中野白露摧芳蘭鳳飢不得死鳩臬食琅玕去々復去
去采芝青雲端

古詩三首

皎々綠窓女明晨弄鳴箏終朝不成曲宛轉何為情揚々
青蘭花流芳耀初榮可傷無人采但恐秋風生

南門臨廣路南北何多岐躑躅顧所從吾今信安之故山
豈不佳亦有平生期且復回吾車勿受塵世欺

清晨掩書坐忽々有所思所思非親故千載多異時南山
何蒼々上有青桂枝吾將折其榮歲晚庶自怡

古意

荆人初得玉趺足辭岩阿持獻萬乘君々門正差我誰其
尸國工謬以石見呵迷邦誠不忍欺君反同科臣口不自
明臣心終靡它抱璞重再拜呼天淚滂沱淚盡血可續玉
在良已多是事古則然烏乎今奈何

人事如艸木

人事如艸木一氣榮悴之外物何預人而真喜雨悲堂々
異姓王昔者膝下兒窮通本鮮迨達者固不疑阮生亦隘
人慟哭真奚為

煌煌明月珠

煌煌明月珠未居濁水君看黃河黃豈解污清濟我方遺吾形寵辱齊一指縣知破琴戴未若摻搨禰

浮雲蔽白日

浮雲蔽白日群動何喧喧烏乎麒麟兒化為猴與猿登高望四荒但見黃河奔誰哉沂其流與我歸崑崙萎蕤青林花霜霰日已煩嘆息復奚道山中桃可失一字

雜興三首

運化奄遷變舉俗喪其真曉曉今毗子詭詩稱逸民偶然隨紛華自謂許與莘蚩良可矜中田翳荆榛淳風去無還迷途同所導首陽與柳下之人信何人

白日出扶桑天雞忽先鳴飛奔各自逞爪牙正從橫賢哉五柳翁偃卧寧不驚生死莫我累豈復外慕嬰經營彼奚為欲與元氣爭終歲卒自苦嗟哉獨何成

渾淪本無象質散風乃漓後王初尚賢佞忠遂分馳陳蕃偶高義鳳舞鸞更隨彼哉聚蚊蠅何毓滋至今黨錮

傳讀之令人悲魯吾何思彼巢居時

連雨雜書五首

蕭蕭十日雨出門竟何之不愁道路難所惧沾我衣悠悠看屋梁作計亦已痴有酒不解飲且遂歌吾詩

昔慕粟里翁頗復志耕耘偶入汗墨場把筆學為文偃蹇
獨何來喧啾復沓念彼荷蓑子窮年愧其勤
虛堂坐無言繾綣悲夙昔當時眼中人已如不相識剥啄
者誰乎念我喜折屐忽去已迫暮一笑岸玄憤
我思仇山人山川莽回互十書九不到木葉歲頻暮頗聞
近移居併失夢中路得無挈妻兒倒載入山去
今日曷不樂孤偶無與酬兀坐把書卷展玩不自休借問
誰所為其人已千秋山雨政不聽撥書置床頭

述懷

端居有多感求志無餘營夙違金門路緬愛丹丘名謬忝
君子顧捧身廁群英卑栖念遠引窘步速先征俛默敦宿
尚低回阻平生伏枕勅中夜攬衣寄遐情上天廓澄穆列
宿揚光晶俯視林木改仰悲鴻雁鳴企予秉微素十年守
柴荆希世垂近務慕隱餘衷誠願言良時晚庶保幽人貞
題仕上人松風樓
長松四簷間落日無與伍天清嘯歌發肯作兒女語道人
有真聽無諦亦無袒尚不知有耳况覓聲處所起視南山
高明月在庭戶應念朝市人聞雞走風雨

題晉卞將軍墓

江左失其御強臣布中區歡娛一以乖狂獠無趨起黃屋

播州野形庭交劍及事樞始誰秉捧首如奔狐偉茲百世
士死與二子俱孤忠耿未昧足以孚豚魚義旗果東指白
日開天衢孰最撥亂功之人或其徒伊昔大雅廢語言鄙
文儒禾黍已橫委衣冠尚舒徐屹然見砥柱獨障狂瀾趨
大節固如此捐金乃其餘青簡煥遺烈蒼榛閱幽墟日夕
悲吹多天高年運徂世方用翫翫猶將愧玄虛江濤渺在
望雪涕空漣如

同王待制校文上京八月十五日宿龍門驛

涼風墮黃榆萬馬皆南馳而我方北首度關及鳴雞石路
幽更阻僕夫慘不怡徐驅待明發泐泐窮烟霏貂裘者誰

子恠我逢掖衣為言霜露多皇仁獨安之我非不自憂簡
書今有期憶昔州縣間折腰向小兒荏苒二十年初登幾
厠袍同袍如燕鴻去往常相遠悠然慨平生與世何叅差
暝投龍門驛高館臨迴溪青厓拱白月水木含餘暉秋色
故瀟洒我行殊未遲相從况魁彥炯若珊瑚枝衰暮奚足
云一觴聊共持

雨中次范德機見寄雜興

窮巷積陰雨離居寡悰情安得埽埃風逍遙予上征長日
有逝川春花無晚榮永懷山澤居好遁潛英聲於陵方灌
園龐公不入城其意豈忘世詠歌以濯清今我夢江國噉

上鷓鴣鳴不憂芳艸歇但恐白髮生歸休企前哲矢言著
真誠悠々莫識察思子携手行

送李唐卿御史

去々紅塵外秋光滿華嵩故鄉歸衣錦行路避乘駝未覺
長安遠真成冀北空燕山一枝桂回首正西風

風雨

風雨急如此空山方晝眠故應為計拙可復要人憐燈火
羌村塢桑麻杜曲田悠々今視昔把卷一茫然

五月二十日

不擬芙蓉佩終然挂寂寥百年多事始千里一身遙巢燕

驚華屋鞞鷹望赤霄蒼々叢桂樹愁絕小山招

聞方壽甫卧病

吾子仍多病何人共解顏水聲和藥臼春色閉松關積雨
連三月懷人劇萬山同遊况零落浩蕩豈追攀

憑軒

信有儒冠悞馮軒意欲迷山深風雨急天濶羽毛低他日
開炎瘴連城送鼓鼙荷及吾媿爾未敢嘆塗泥

明月樓

遺堞何年有飛甍壓上頭鼓鼙分大幙香火望靈湫曲岸
舟如失遙沙樹欲浮登臨且吾土未敢恨淹留

含香道中

殘日亭猶遠輕風帽易斜
稻畦低沒鶴州逕曲行蛇
經世知無策謀生會有涯
殷勤理黃菊留眼待秋花

九日登石頭城

背郭鷺塵遠高秋川岳清
幽情初曠蕩陳迹故縱橫
遙望龍蟠長吟蟻國爭
紺園隨處闢粉蝶向來傾
發艸窺簪井看碑驗故塋
山開蒼耳路亭愛翠微名
遠樹淮南出滄江鳥外明
人烟川浩蕩風物歲崢嶸
吹帽仍佳節傳觴但老兵
愚生離蛙黽浪走媿璜珩
去帆檣盡蕭蘆葦鳴登高
未成賦覽古獨含情政復
哀王粲何堪厭彌衡散廬

滄海曲目斷白雲生

題高房山青山白雲圖

十年失脚走紅塵忘却山
中有白雲忽見畫圖疑是
夢冷花涼葉思紛

有感

橘柚青黃眼照垂秋風籬
落自紛披頗聞玉食登蠻
果不獨涪州有荔枝

題明皇春遊圖

楊柳烟深怯翠輿玉鞍可
是要人扶忍將此日春風
筆更寫青驪蜀棧圖

送張秀才歸里

青陽河畔杜鵑啼
歸路如弦定不迷
應到故山叢桂裡
笑人騎馬聽朝鷄

漫書

漢室需才訪隱淪
貶繒屠狗各求伸
安知風雪南山下
別有當年射虎人

題懸厓蘭

嬾匕春風一樣吹
托身高處亦何為
從渠自作顛倒想
要見懸厓撒手時

次韻荅撒都刺宣差

蕭匕兩鬢愧陳人
曾向龍門看躍鱗
多謝叅軍留客醉
杏花猶帶曲江春

次韻虞侍講上京道中

欲去仍為一日留
玉堂中夜有詞頭
歸鞍曉逐南飛雁
猶及西湖一半秋

次韻張右司秋日燕集

翠華縹緲五雲間
留鑰初嚴虎豹閒
坐飲玉泉歌既醉
絕勝挂笏看西山

待漏東華曉正寒
北門供奉獨優閒
賡歌未辦清新句
空愧江南庾子山

北山紀遊

天門吹我度崢嶸春著千壑涵匕青紫陌紅塵寧有此十年空負山靈北

却問仙山去幾程白雲如簇近相迎直須不脫登山展行盡松聲與水聲

獨看飛花逐水紅不知身過亂雲東回頭旋覺峰峦別惟有青天面匕同

坐愛春泉響翠微玉花吹濕薜蘿衣何由着我冰壺洞卧看青天白練飛

削立城心雙白塔幾疑日月費撐支一朝頓在闌干底始悟從前見處低

闕下口號

適駿先猷在作人忝陪多士奉明綸端闈乍起清光近臚句高傳茂典新奎壁照臨回景運風雷鼓舞契昌辰不才何以酬天造徒詠菁莪樂至仁

賜第後歸謁郡府丞為置宴口號

拜賜才沾雨露香又驚盛典出黃堂鳴騶合遯遷千騎坐席雍容累百觴他日同鄉修故事不才終古被餘光承宣德意逢明牧諸彥能無共激揚

賜廳宴集之明日鄉先生復為置酒重述口號

去年此日宴瑤林
雨露光華映古今
稱慶謬承賓禮重
徽榮彌覺主恩深
少頃天詔從容至
坐看宮花取次簪
千載奇文寄來哲
可應外物累初心

十月十日去都城

倦客愁深素髮生
分甘投劾謝塵纓
老來每愧公車召
歸去何須祖帳榮
紅葉早霜催歲宴
白鷗野水與雲平
腐儒漫仕真無補
深爾岩居與谷畊

朝擁臯比夕短檠
病餘靜息厭勞形
閒情只合營三徑
儉腹那能貯五經
忝侍禁幃慚啟沃
欲尋耆社覺凋零
歸歎嘯傲西湖上
時看飛雲度翠屏

送王府教授蕭九齡

三千里外雁山雲
客路相逢酒一尊
衣錦未須歸故里
曳裾且復向王門
淮南桂樹秋偏好
京洛風塵日易昏
愧我倦遊成白髮
臨分握手欲何言

怡山

春雲牢落雁無聲
沙岸叅差石有稜
雙屐漫窮芳艸徑
一龕長愧白頭僧
晴濤閃閃翻孤日
山木昏昏捲翠藤
後夜清風滿遙念
夢遊空指上方燈

草意

淡烟斜照日離離
謾吐芳心欲向誰
可是忘憂能自得
若

教指佞定無私東風江上何人識南國春來有夢知但把
青心承雨露未應紅紫浪相疑

梳頭得白髮

偶逐飛雲別礪岡解纓聊爾濯滄浪衿懷久已無山水容
髮誰令有雪霜未必丹砂真却老何須白首更為郎前修
未遠斯文在努力無愁岐路長

送吳良貴之京口學正

此行登覽信竒哉可為尋常富貴催湖上春光隨馬去淮
南山色過江來壯遊未減西園樂逸唱能容弟子陪白社
古人今送盡薜蘿烟雨重徘徊

送韶父遊京口

不到南徐三十春好將夢寐弔遺民也知往事隨流水祇
想重來是後身棹響官河風色暮雲離野服髮毛新舊遊
偶失扶桑路煩向滄江一問津

金陵懷古

五雲零落渺天涯陳迹蒼茫日易斜畫角已吹邊塞曲紅
藍新長內園花獨怜遺老埋黃壤曾見春風望翠華好在
北山猿與鶴依然同住舊烟霞

三月三日西湖舟中

黃塵白帽媿平生對客猶稱舊姓名此事懸知三不可祇

今恐負四難并放舟乍去空濛境送酒元無窈窕聲金石
蘭亭嗟已矣不妨時暫濯吾纓

送友歸豫章

已覺栖遲懶曳裾可能為我強躊躇一帆秋色紅塵外千
里江關白雁初建業水清誰共飲潯陽潮斷定無書黃金
未盡朱顏在莫種桃花學隱居

送王傅朋之桂林教授

丞相威名震百蛮蕭條異代得吾賢宦遊忽過三湘去家
學應令四海傳北望犬牙連上國夜占鷄尾直中天炎風
朔地皆王土未覺青春雨露偏

碧蓮峯下駐飛駮風土遙知久自諳會有新書禪禹貢坐
聞舊俗化周南深篁盡日迷山鬼毒火無時起瘴嵐珍重
斯文強食飯謾丹荔與黃柑詩

遣興

數盡飛花一愴然壯心迢遞石雲邊十年人事空流水二
月風光已杜鵑過眼青春寧復得汚人黃土絕堪憐故園
尚有平生約可使蒼苔到石田

寄朱十八判官

金榜淒涼四十年風流文采故依然香山老去誰同社粟
里歸來尚有田懷古坐看西日落得春寧問北枝偏清泉

白石多深趣千載心期入近篇

龍潭山

二月清江照眼明避風舟楫滿迴汀斷雲挾雨時
黑密葉藏花對日青習隱未成陶令賦行歌聊共屈原醒碧潭
光景無消息坐看魚兒點翠萍

客中夜坐

歷々飛螢度眼明獨搯高枕數殘更薄遊已斷新彈缺奮
業猶餘未棄檠一雨送晴初月色百虫專夜故秋聲情知
三十年非少已覺人間有後生

甲辰清明日陪諸公入西山拜胡侍郎墓回舟湖

中作

日終甲子斗直辰持觴遠酹胡侯坟兩槳趁鷗皆城闔四
十有四同舟人半為胡語如李真湖窮岸出水陸分舍舟
登途指嶙峋少年健步黃犢奔或乃唱道驚春雲老翁趺
足仍後塵解衣徑眠草如茵前瞻一里趨廟門杖藜不得
辭微辛嚴祠高居絕四隣旁為一丘標石麟升階鞠躬羞
藻蘋拜興有相祝有文亦或稽首稱諸孫歸途探幽扶荒
榛下覘塵土多蟲氓放舟催發無逡巡勝賞莫許窮崖垠
開蓬列坐羅羶葷彷彿鄉飲明介饌誰歟解事強討論欲
以窮達為卑尊美人今代王右軍口吐秀句天葩分雁行

拱立何紛々爭言我公詩絕倫龐眉被褐兩山民閉目宴
坐方申々艤舟黑亭鴉噪昏晴暘吹暖酒衣巾裁詩紀實
聊云々慎勿浪傳多怒嗔

郎生詩

卿為爾字即為氏金臺耀日家尺咫目光不奪亦不昧非
痴非狂竟誰使披羶蹋雪印走趾乞贈言詞如乞米南踰
淮江踐蛇虺虺肩兩囊行且止相逢羅列見未始珠璣歷
落斧綉侈縱閱安得舒日晷胡然有求仍屢踈譬飢索食
飽不已瘡痂嗜好掌一抵以頭沐漆那可洗春風未許白
雲起冰川猶須卧取鯉莫待啼鶻還掩耳

送傅主簿

嘗聞上古之士比屋皆可封有才不必登王公可憐衛青
日尊貴飛將自老風塵中傅公平生經濟手却抱一經今
白首隨人騎馬着青衫爽氣如虹射牛斗出門大笑望長
安萬里行路難行路難知奈何贈公一杯酒請公聽我歌
崑崙之山高魏々黃河之水清有時洛陽年少休太息東
山謝公來未遲燕昭之士不足云陛下盛德如華勛願功
成名遂身早退魯連小兒能笑人

題李坦之學道齋詩文

神仙中人世莫識政以文章為戲劇李生也復可憐人手

種蟠桃待春色山空歲寒誰念汝青楓墮影霜落日遠遊
賦成一朝去翠蓋雲旗莫何識蓬萊烟霧秋冥也鄧公白
鹿無消息袖中驪珠三百顆夜深勿近蛟龍宅金華之山
青巖天山人看山忘歲年黃精芝草幸可食安得與子巢
其巔石床醉聽松風眠無為長歌怨如哭使汝惻愴凋朱
顏

讀三孔先生清江集

元祐儒臣布星斗後有作者非其偶二龍三鳳何繽紛况
乃淵源魯中叟適從陳編識英雄想見世澤餘忠厚長公
平生二三策大廷披腹驚群后風流班也仲與季茅茨采
椽絕丹黝獨追古昔寓陽秋稍抉疵瑕到瓊玖却盤餘力
歸賦詠古硬清圓無不有爰初人文啟河洛下逮百氏分
戶牖空言可托匪末藝巨筆待援湏好手典刑未墜乃至
今吾生已幸何云後青燈照夜雨如線輿論微詞煩擊剖
追慕正復慙捧心贊咏胡能付鉗口從游赴死不敢期倘
挹殘膏注枯朽

題醉鄉圖

翰林主人天上来布帆不為鱸魚開江湖渺也秋一色朝
光暮色相徘徊昔賢心賞餘勝處只有水竹無亭臺碑材
久已沒荆棘屐齒不復行莓苔後來視今猶視昔今我不

樂胡為哉太官馬潼遠莫致隣翁綠蟻浮新醅欣然一飲
便終夕鼻端氣息如雲雷是間別有一天地不知何處為
蓬萊回觀方外海一粟醯鷄塵甕何喧豕黃冠秘監太狂
態騎鯨供奉非仙才揮毫政要直學士鋒車流水行相催
瑤池曲宴多雨露歸欵釣彼黃金壘

杭州送兒姪歸里

空江月滿潮聲怒二男勇蹋潮頭去故園天沒渺予懷夢
中識汝歸來路起向江樓遙望汝江上青楓正霜露涼風
颯_上吹汝急櫓搖背指龍山渡翩然一葉舞中流嗟彼童
心得無惧自我西遊紀_摩三紀舉目交遊半新故下車相揖

何紛_上白頭朝士猶徒步_上都觀裡舊桃花見我重来能
幾度緬思疇昔仍念汝倚徙闌干日將暮前潮方斷後潮
續層波復浪無重數魚龍出没相後先疾雷槌山雨如注
隔岸峰峦空復多沙際冥濛但烟霧計程知汝已登陸息
肩弛担今何處明朝我過三釜山能勿徘徊起哀慕近聞
旱魃肆為虐殺吾手植千株樹且須為我語比隣莫遣牛
羊上丘墓

送俞器之判官暨陽

苧蘿山前碧溪水花顏玉貌今誰是祇見操觚道上兒骨
束枯柴髮垂耳周家忠厚及草木忍令赤地連千里夜飛

尺一繾緹屏想見春風下車始憶昔君侯年少初克全季
母甘捐軀麻鞋上殿衣見肘歸來束帶懸銀魚頗聞爾曹
久待哺笄匕萬目同睚眦晨食秣馬趨所生擊鮮上冢無
躊躇念君自是醫國手看活群兒如活母平生本州閩已
熟野葛山榆尚何取若為箋天乞借材盡濟東土歸仁壽
鄙夫不用畎畝憂但為作歌貽不朽

八月四日大風雨中與章德懋同沉

黑風翻江白雨傾檣欹舵側斷人行此時惟我與子孤
舟蕩漾烟波裡烟波蒼匕楊柳黃浩歌擊舷興彌張翩然
一葉恣歌舞青山白塔頻低昂朝過城南暮城北舟人問

我將誰適章子掉頭作吳語秋水夜來深幾尺忽看大字
標竹林寺門對水仍陰匕敲門見竹不見人竹間翠石何
蕭森回舟少休雨如注四顧冥濛但烟霧魚驚龍躍吾不
知披蓑却入菰蒲去岸傍群兒拍手呼笑言狂客世所無
烏乎古人今則無後來視我知何如為君留此有聲畫題
作扁舟烟雨圖

贈俞觀光

寒窓讀書吻正悲坐聞剝啄走啟扉衝風蹋凍至者誰俞
子訪我由剡溪相逢把臂語移時婦女驚笑群兒痴俗物
病我不可醫眼明見此珊瑚枝朝來贈我天馬詩忽然掉

草堂雅集卷之二
頭去莫羈鼻頭氣息干虹霓詎能折腰向小兒文章技癢
聊耳嬉策勳聖世令毋遲繫我愛子莫助之臨歧躑躅徒
嗟咨

草堂雅集卷之二

草堂雅集卷之三

玉山顧 瑛類編

張天英

字楠渠温州人酷志讀書二十年通貫經史徵為國子
助教性剛方不事趨謁再調皆不就遊西浙多居吳下
放肆為詩章尤善古樂府皆馳驟二李間時人多愛誦
之與予最為友善凡有所作必馳寄草堂自號石渠居
士云

題萬竹堂

芙蓉城中開紫府華蓋飛 翠娥舞仙人宴坐碧雲堂朝

發蓬瀛暮玄圃昔將簫管御風吹散落人間鳳皇羽冰夷
夜失珊瑚枝白日滄江啼黑雨龍賓十二行玉窓青士三
十射金虎我欲從之游脫冠掛神武來彼雙飈輪攀天叩
天戶願持萬丈竿為天掃塵土亭上此君節何由獻明主
紛上鷹犬人徒費銀黃繫尺組君不見古之仙千歲一歸
華表柱下視世人何足數

題溫日觀蒲萄

天末驪珠洒翠虬向人飛舞入瓊樓西風吹醒瑤池夢笑
指青山似貝丘

右風

月宮仙子下瑤壇帝遣山中采木難夜半龍來作人語蜿

蜒影上碧窓寒

右月

古根蟠結大宛西魚目搖光亞玉題舞劍醉留今雨客龍
髯顛倒碧蛙啼

右雨

馬乳離上竹尾斜日西檐影落龍蛇醉中長記乘槎老教
與山人釀紫霞

右霽

題李息齋畫竹一枝

十年不見李青蓮幾度溪頭共醉眠寂寞一枝江上影修
上龍尾拂蒼烟

識張魏公書心經後

我家驪珠三萬斛悶在滄海之龍宮紫岩老仙補天手攀

龍取日扶桑東袖握湘臯三百顆夢回山寺談空上赤氣
浮光江貫星月正色凜上摩蒼穹千載幽光照人世海神
出水啼青松

題趙子固三香圖

昔時我在桃花源群仙呼我遊昆侖飛佩凌波出湘浦月
明同醉羅浮村江頭小白効曠者瓊蕤暗結心嬋媛紫皇
召還蓋珠闕十年摘隱蒼龍門道人神遊碧雲裡染霞能
返三香魂玉骨干霜蛻幽影輕烟半濕鮫鮪痕翠羽紛披
向人舞金杯勸我開芳尊閨風迢上隔銀漢安得下土同
靈根海國天寒忽相見瑤瑟載鼓花能言

思陵石詩

黃帝騎龍去不還玉笙鶴上北風寒孤臣獨有心如鐵斷
玉鐫詩泣露盤

王宇玉手帖

西漢文章二百年龍盤親賜蓋珠仙巫雲夢冷金壺墨誰
補東南一柱天

武陵春曉曲書于玉山佳處

武陵春曉花冥上漁歌蘭柁搖殘星溪涵山氣綠如酒幽
禽啼破松烟青天上時聞鳳皇曲金門飛夢人初醒長嘯
銀臺月中落空翠着衣香霧薄忽見安期逢海東劍佩從

風降玄鶴陽烏啣火懸扶桑袖捲紅雲朝帝旁手攬龍車
覩天光下視蟻國空千霜

題趙翰林畫立仗馬

璫柱花雲綉勒春霜蹄新刷紫霄塵月明曾弄瑤池影天
厖傳呼五色麟

題張渥描乘鸞月仙

素女乘鸞月下飛飄飄環珮語相依帝家曾識乘槎客笑
倚天孫錦字機

題趙翰林畫蘭

吳雲楚樹碧離離手折瑤花半醉時秋佩影搖湘浦月鳳

皇翅冷玉叅差

題李龍眠畫滾塵馬

明皇最愛玉華驄滾滾芳塵綉嶺宮一曲落梅驚起舞風
摧龍翼戰場空

用玉山韵呈杞菊翁

即陸靜遠也

識人須識元紫芝半生江海來何遲九天雲冷下孤鳳要
借碧梧栖一枝

送陸靜遠教授徽州

太湖流水清且碧衝波直上新安驛蓮花博士酒千壺笑
蓉仙人劍三尺劍拂浮光畫西去酒瀉青天秋月白嘗聞

黃鶴仙自古仙靈宅三十六華峯邈與世塵隔 待軒
轅于此鍊金液亦有小桃源長醉騎鯨客洞空閱煙霞夜
嶺飛魚赤邇來五百年猶存釣遊迹君居廣文館相看以
朝夕我欲與之俱雙翔鳳皇翮君不見紫陽夫子生其間
言論唯應夢前席多士時登問藎政會吐胸中治安策君
不見昉溪村上庶史君俯仰江山慨今昔歸時一棹輕鴻
毛湏載數株龍尾石

題王景南山木圖

千年古樹立蒼石三峯兩峯天出雲青溪道士坐船上自
按玉簫人不聞

題郭天錫畫古木

木落空山憶五君髯蚪飛影拂玄雲幾夜烟蘿月中立醉
歌如見郭將軍

題蒲萄竹筍圖

王母初來漢殿時青鸞踏折掃壇枝天風吹老龍珠帳桂
墜瑤簪醉不知

題五王對奕圖

千官朝退下昭陽花萼樓高碧樹香一擲乾坤呼五白玉
人催進紫霞觴

題李遵道畫古栢

古栢亭上一虎臣風雲長逸卧龍身石根霜幹心如鏡欲
向曹瞞掃戰塵

題李遵道画頂松

蒼髯再鍊爪欲飛揚肯與人家作棟梁記得石橋明月夜一
溪龍影茯苓香

夏日寄玉山人

赤日行天氣欲焚樹根群蟻正紛上道人心在羲皇上睡
殺青松一枕雲

水仙操

美人兮湘之麋駕白波兮駢蒼髯瑶珮兮冉上翠旌兮離

上紛昭質以遙睇兮夢靈修乎九疑

遠別離

桓山禽遠別離養汝羽翼長歲暮將安之路難不顧返橫
絕四海湄昔年鳳死百鳥集白日哭弔聲淒悲賢聖聞之
淚亦墮古人何顏掩蘩裡別離苦天夢上孤坟萬里冠帶
蒿蓬一劍挂樹頭鳴求雄寧辭父母體化為西飛鴻呼天
泣以血月墜青城空山頭還見月東出何時見我泉下翁
吁嗟乎蒼穹

題石湖手帖

五湖水遶城南邊愛湖老翁船上眠桃花出塢如火燃煉

石去補東南天壽櫟春風五雲牋薛濤奉硯中書前翠蛟
白鳳相蜿蜒瑤海細浪飛青烟見者如 群玉府世人寶
之賢十部翁攬龍髯天上下帝遣主司修月戶笑殺猴冠
餌秦虎朝拜金門暮黃土

題釣月軒

武陵溪上釣魚磯白雲青樹秋暉 長竿倚石月初上新
滿池魚欲飛清卽笑奉長生錄壽客看舞班爛衣風流
一散何時見夢繞竹林行翠微

題玉山草堂

桃花溪上讀書亭海國光搖處士星三月東風迷錦樹半
天南斗射青苹誰騎仙鶴吹笙過自醉山花枕石聽多有
故人麟閣上帝前應說草堂靈

畫山水歌題米元暉卷

我有山水癖由來好幽栖十年游雁蕩五年游會稽或言
秦王昔時愛仙術驅石下海如鳧鷖洞口誰來斲龍耳驪
珠夜照天鷄啼三峯叅差九華老蛟龍鼓浪方壺低醉墨
淋漓落吾手只尺萬里雲淒 初疑巨靈闢開翠巖濕馮
夷擊碎青玻璃又疑劉阮雙行赤城下漁舟棹入桃源溪
對此長歌發幽思便欲着屐來攀躋我家碧山最竒絕綠
蘿萬丈緣丹睇憶昨金門拂衣去自種青松與人齊幾人

欲畫不到惟有四時雲月可以相招携吾負山碧此為
客何異乎巢由軒冕行塵泥從吾好歸來兮

題趙子固墨水仙

青竹珠簾人似玉霧鬢風鬟綴靈粟一笑誤翻金叵羅香
濕群仙翠桂榻龍國朝回八風舞鳳池醉度凌波曲瑶瑟
雙歌李白詞馮夷捧出蘭縑綠

題趙翰林畫蘭水仙瑞香

廬山仙人驂畢鸞翠雲之裘紫霞冠馮夷如花玉為骨龍
綃抽卷青波寒湘客冷然水蒼翠紉以瑤舟襍珠琲月明
携手燕霜都當歌醉擊珊瑚碎帝將清氣結三花人自乘

風夢鯨背徒勞王子晉老淚瑯簫年流物化人可招影落
水花天星搖君不見銅鈿道五陵桃李門如掃又不見龍
芻草馬侏夜蹴昆侖倒我如雨露元不私

易衰

槁願君採幽芳托根鳳麟島蔭彼三素

不知

老

題凌波飛蓋圖

蓋珠宮人駕雲駢山中翠蓋何亭々老龍飛蓋作風雨八
仙池上爭娉婷金環璫珮衰薇露雙成躡墮青鸞翎酒星
入水化為石寒玉夜語天冷々白瑤城闕三萬里月照影
娥行洞庭

題光風轉蕙圖

蕙乃蘭之族一枝三四花誰將金莖露煉作紫河車白鶴
銜之去飛獻玉晨家飄掃紫雲帶光風茁其芽吾將攬為
幄山中卧烟霞

題高尚書青山白雲圖

仙火中有琅玕樹吐作千峯落毫素峯上蒼巖一尺天峯
下雲行亦無數因憶曾為天帝客家在白雲深處住白雲
隨龍飛出山我亦攀龍躡雲路青山笑人不早歸大笑從
龍為雲誤變化無定端飛揚為誰故試問古共工何勞不
周怒飄匕巢止翁肯受風塵污安得兩齒屐載我逍遙步
醉卧青山看白雲莫嗔老子來遲莫

題竹石圖

仙人手持青琅玕擲之飛上蓬萊頂玉簫綵鳳雲中鳴龍
影醉眠山骨冷

曲水辭

羽觴汎曲水二性非自然紆迴白石中玉色何娟匕春風
修竹下清流映群賢揚波折瑤草遠寄蘭亭前

侍從關平苑歌

關平城中白日光太行迢匕白萬里長黑金天柱上雲
漢銀鞍寫轂隨君王步輦龍樓西是時宮人醉如泥簫韶

直學雅集卷之三
擁出瑤池路翠蓋優游拂宮樹千官萬姓歌太平雪眉山
人入山去

浣沙曲

溪頭浣沙女素足弄清波綠窓費織手鳴机不停梭織成
絺與綌貴之如綺羅持此寄遠客思君心緒多

莫折花

莫折花折花損新枝結根同美好忍此生別離不如坐花
下長醉春風時

玉泉山

玉泉之山金為扉北風捲葉山無衣白馬雙行綠雲路渺
渺秋蕪起烟霧姮娥有時騎白鸞弄水滿手驪珠寒老蟾
泣中夜露滴飛蓋鳴琅玕姮娥上天去一碧光搖鏡中樹
石潭風雨忽驚人乃是神魚化龍處

贈臨江潘雲谷

玉笥山人入天祿遺我山中之玄玉鳳味池頭風雨腥金
霧青烟眩人目玉案蛻蟻化龍夜黑雙娥啼入竹李白
醉坐七寶床噴酒驪珠三萬斛天家一顧人共知玄香太
守潘雲谷

靈岩寺

千峯秀出青蓮宇下界龍神走風雨帝遣靈鰲戴此峰來

作中吳天一柱吳王宮雉結浮雲日西施醉歌舞春

館娃

隔江嘗胆苦夜半越師溪上來翻手繁

華化為土硯池鳥下咏青蘋樵路幽香來秋塢昔時寶屨
響瑤階誰信荆榛上修廡惟有琴臺石我似蒼虎吾將
煉成金天高不可補飛閣當天開五湖三江入窓戶君不
見鴟夷子浮沉兩國烟波裡屬鏤讒鋒固莫辭耻雪夫差
肯知止肯知止今人寧無昂鎗耳奈何古之人九泉呼不
起酒盡萍蕪三萬里

金陵行

金陵城頭生紫烟金陵水立東風前神山蜿蜒行入海白

日化龍飛上天十年不見吹簫侶丹鳳深巢惜毛羽仙子
天端騎鳳來衣上班碧桃雨碧桃如霞浮壽觴秦淮之
鯉數尺長林鳥回翔集庭樹華峰特天中央君行出門無
百里中道嗷塞人耳霜風洒筆山岳搖夜半飛章奏天
子

八月望與項可立約遊石湖是夜月食又雨次韻
就約王山人明日同遊

黑雲出山雨交加太虛倏忽生疵瑕瑤樓瑤鏡不可見但
覺銀海浮玄華長思昔年玉川子作歌發憤剗妖墓不知
三萬八千戶此時何處相邀遮我欲攀天躡天柱御風飛

步蓬萊家蓬萊揚塵水如墨凍蛟化魚啼喊呀獬豸從來
不識字努力自言能觸邪遺我白兔所搗藥酌以金尊之
紫霞萬古清光終莫掩二國自戰空墻蝸酒醒忽憶五湖
寺亦有中頂仙人茶明朝與君買船去上山采桂窮迷遐
子晉吹簫圖

仙人石上試璫簫引得青鸞下碧霄長記緱山明月夜醉
歌拍手待王喬

仲容摘阮圖

林中長憶仲容賢水底龍吟阮上絃彈破白雲飛不去化
為盤石已千年

送琦元璞叅雪竇

客鄉送子上吳船歸心直上鄞江邊五雲中峯夏欲雪二
月西陵花滿川近海家上白鷗集好山樹上青蘿懸銘公
林間紫霄鳳與我交游三十年

錢唐懷古次高則誠韻

錢唐潮上海門深千古靈胥恨未平北斗文星長黯上內
園官樹尚陰上承華殿冷西人語太乙壇空上帝臨月黑
鄂王祠下路風吹青火出山林

送陶教授還台州

廣文先生賦歸去天台此時花正開月行舟上山水白人

散江頭風雨來燕雀爭鳴碧玉樹麒麟不上黃金臺何如
門前五柳樹日比青絲吹酒杯

鰲峰寺

石道青蓮入翠微金鰲海上數峰奇樓前風滿潮來急檐
外山高月到遲僧語夜深松子落客吟春盡花知日西
又立谿橋馬呼酒長亭唱柳枝

石菖蒲贈胡府史

九疑仙子贈靈苗無暑瑤臺水石曹人說見花能富貴誰
知存節更清高戟髯香拂驪龍頷劍脊寒生翠鳳毛綠髮
老翁多好客采根食玉噉松膠

烏夜啼

城頭烏夜啼月白薊門時朝陽借光彩翱翔鳳皇池春風
黃金樹結巢在高枝中心懷返哺還向故人飛

貞女吟

嘗聞漢宮人恩深妬還重自憐冰雪姿肯戀金屏寵春風
吹倒山妾心終不動羞死王昭君玉顏沒青塚

卽亡金

卽亡金持者誰十年同舍難相知不疑肝膽似冰雪仰天
吐氣摧霜眉古人重黃金交情弃如土奈何今之人身為
黃金死結交心不同須防未然絕何時卽得金白圭之玷

乃可滅

白門柳

白門女郎若楊柳舞衣深勸金陵酒青絲素手結同心沉
醉東風回馬首紅袖掩啼痕請君聽妾言柳色年々好玉
顏豈長存柔條不忍折妾意與君息紛々花落青春莫雨
暗長亭空斷魂

歸燕曲

春寒吹北風吹送青雲燕歸心與去舟乘風似飛箭愁殺
倚樓人淚滴如花面烏衣自有家夢斷昭陽殿

柳枝詞

江頭好風日楊柳叅差青柔條為君折行歌出西城江流
二月碧如酒木蘭之舟天上行欲別不醉難為情

妾命薄

買臣昔未貴樵薪任飄泊中道行且歌安貧以為樂去婦
不卸家憂怨將安托寸心難自持但恐委溝壑明年五馬
還錦衣照城郭君子身已榮妾命一何薄水覆倘再收恩
情豈如昨果然節義風因之日衰落

相勸酒送黃進士還吳

黃進士將歸于吳聽我歌龍門綠桐之瑟酌君以蒲桃碧
王之壺西登高臺望山氣扶桑半逐秋風枯玄雲如車軌

層漢聞弦之雁驚相呼君不見斬衣許君命丈夫何以愚
抽戈事不立枉費焚妻孥二豪已成土徒令後人吁豈如
魯連蹈東海千金弃擲毋我汙昔時我亦高陽徒相勸酒
歸乎

折楊柳送陳良還山

折楊柳送君歸君心似流水柳色空依日昔時九烈君為
染裳衣黃金千萬縷難補天孫机張緒風流今白首別
有新人似楊柳富貴何如早還家葛中自漉山中酒折楊
柳為君歌兩雉朝飛春日和栗里春風門巷多人生莫惜
朱顏醜

前有尊酒二首送朱秀才之慈溪

小窓一夜梅花開天風拂日從東來仙人乘風忽相遇飄
然便欲歸蓬萊且盡花前一尊酒玉簫瑤瑟重相與君
俱為異鄉客請君當歌共啣杯共啣杯惜君別明日西陵
浪如雪聽唱吳趨曲送君慈溪去春風二三月十日慈溪
路有酒且相勸毋令白日暮昔時我到天台山上中二女
花如顏邀我碧桃花裏醉乃知此地非人間去君家亦不
遠願寄一書謝劉阮

久別離送柳韶之西安

久別離長相思溪頭楊柳色十見黃金枝上長花飛如白

雪心期暗結東風知東風吹花化為萍一夜浮游滿溪水
到天池萍亦因之幾千里何時萍實成與子乘舟汎蓬瀛
玉几山月歌送映石室住育王寺

我家東海頭長見東海月聞說玉几山上高月如雪今年
八月天早寒夜上清光照人別中有琪樹之古香下有蓬
萊之宮闕石室之仙人乘風汎溟渤手弄珊瑚枝長歌擊
龍鉢群龍趨還爾赤水之玄珠上似月明天在水美人迢
迢隔千里東湖明月隨我歸照我上山攀玉几

題玉山中所藏趙千里畫金碧山水圖

天上白雲滿空谷樹下三間兩間屋玄晏先生不出門自
檢殘書手披讀醉翁斜帶紫綸巾過水呼童御黃犢上之
背樂不可言王孫寫入冰綃幅君不見戎車古戰場秦王
失其鹿笑殺當時園綺翁白頭去輔隆準公

題玉山中錢舜舉畫五柳庄圖

飛泉屋後銀河懸孤松屋上蒼龍眠四山無數白雲出好
柳五株當門前葛巾丈人步其下悠然別有山中天

題三笑圖

我思廬山三十載喜見虎溪三笑圖遠公愛客不愛酒陶
令愛酒無錢沽黃冠道人愛談道握手顧盼成盧故乃知
古來賢達士出處自與常人殊君不聞東晉英雄數周顛

對語新亭泣新鬼

題二喬圖

喬公二女如花顏玉宮仙樹忝差間鳳裾
寫書明月環寶釵壓墮青雲環手撚丹霞染天章
綉屏曉卧珊瑚床石鏡山前瓊草香春風蕩漾紫鴛鴦
嬌歌雙笑蘭烟蒼中軍留醉牙帳光回頭兩鬢飛秋霜

題趙子固畫水仙花

水仙花上雨垂垂絕似華清賜浴時
况是親承恩澤後託根只合在瑤池

雨

冰肌冷浸六華香姑射仙人試曉粧
門外玉京天咫尺金

璫璫珮謁明光

雪

海上群仙駕八鸞翠華裊玉珊寒臨風似學回波舞
要博君王一笑看

風

仙子騎龍出水瀕雪衣飛動月為神
停杯聽唱凌波曲笑醒東都夢裡人

晴

遊簫臺寄李五峯

簫臺天高山氣寒璫樓倒景金沙灘
露洗長松翠蛟泣曉風吹瘦青琅玕
仙遊王子今千載簫去臺空山不改
石梯竒峭石蘿深東望蓬萊隔滄海
華表栖塵鶴未歸燒丹灶濕蒼苔
衣木落鏃錚下鉄壁紫岩桂落香
風飛雲門道

士相迎送五色芙蓉滿溪洞生平屐齒能幾來回首十年
如一夢客鄉遲暮秋復秋故園淚盡黃花愁長繩難繫西
飛日彭殤蝼蟻營荒丘雪瀑洒中清入骨烟霞杳靄孤鴻
沒世人倏忽不可期獨酌芳林勸明月

題南極老人像

老人爾何來年貌一何古身披五雲衣相羊步瑤圃自言
南極星乘風來帝所冉_也青鬚眉玉顏如處女仙鹿御之
行仙禽導之舞忻然願相從授以長生語但恐塵世中歲
月不我與何當駕飈輪與子共高舉

船上燕姬

燕姬倚嬌色珠帽絡金花半醉玉盤面雙鬟雲影斜水邊
忽自笑眉目艷春華芳心為誰發翠袖拂琵琶

宴鄭明德與袁子方張伯所得落字

東家白雲翁載酒青山郭相招竹林彥坐對春風酌一花
飛入樓沉我銀鑿落醉步松月歸令人夢孤鶴

桃塢吟與項可立寒食同遊

客鄉見寒食因作桃塢遊年_也發春色館娃香徑隨風流
羅敷采桑隔綠水漁童小海歌蹋舟三五了鬟不知醜紫
花紅花簪滿頭欲開未開竹旁戶見我白髭佯作羞_也顏
惟破背人笑自言此客曾來否側聞橐駝此客寧爾留太

白老元丹丘玉尊錦瑟春風樓

南江隱者歌

我見滄洲外軒窓浮碧虛初行桃源徑漸入崑崙墟松似
人而偃蹇竹款客以扶疎青林樹上白雲葉春風水
鱗魚漁舟相問此何處乃是江南隱者之所居朝川圖
滿四壁堆床玄晏先生書阿彌鶴髮坐堂上山妻勸酒
兒牽裾赤脚井臼蒼頭耕鋤有田可稼有畦可蔬富雖
不足自樂有餘笑彼孟嘗客惶惶嘆無車不學郊與
島衝寒出騎驢君不見鹿門老子所以不肯入城市彭澤棄官歸故
廬眼中欲得如此二公者舍吾與子誰人知

贈相者薛見心

門有麟李客手持一詩卷自道見心名雙眸炯如電見心
須見天地心人心不同有如面且如我輩山澤人握手笑
談心便見綠眼王孫作大官吾子見之心亦眩巢夷顛顛
跼躄賢安得遭逢堯舜禪勸君酒聽我言人間萬事何足
論與爾且醉花尊前

老馬歌

花駝老馬情頗惡十年不受黃金絡日挽重車筋力盡夜
齧殘芻牙齒落鞭入溝朱化為土駿骨峻嶒瘦如鶴牧夫
垂涎葵人腹春草未青池水涸伏櫪長鳴兩行淚北風蕭

已捲沙漠

題張叔厚描壽陽公主梅粧圖

正月七日含章殿落梅吹花香撲面玉人睡起猶未知重
理新粧鏡中見花如玉貌多嬋娟三十六宮都學徧城中
醜婦不解羞采花自點雙眉頭

擣衣篇

抱杵下空階淒風何拂々丁々石上聲愁死深閨月白露
滿銀床絡緯啼不歇青燈鑑孤幃凋盡如雲髮此時邊塞
間嚴霜砭人骨妾心似重繒熨之伸復絀裁斷又縫聯短
長仍彷彿雖無黻綉紅是妾手中物所思在征衣寧知袞

送章高士入閩兼柬杜清碧先生

風日晴縹楊柳青翩然獨鶴過南溟山中每憶羅公遠海
上重逢武達靈榕葉擁雲山似簇螭房烹玉酒初醒小冠
子夏如相問為話窮愁老一經

次韻陳子言

花蕊迎春紅漸肥燒痕傷早綠全稀涸陂未下雙黃鵠空
谷何嫌一布衣仙掌玉腴甘露降齋房芝嫩采雲飛德星
會向良宵聚只恐山公取醉歸

次韻劉憲副春日湖上有感五首

庾信哀多賦漫成江南文物久晨星市衢火後蒿橫目民

舍春來草滿庭浪嚙湖隄官柳盡沙填江浦夜潮腥歸來
何異遼東鶴只有西山慰眼青

湖水西邊舊是家春風繞屋種梅花傳聞故老談遺事受
教仙人服幼霞鶴老離巢松化石鷺孤照水竹穿沙只今
重到經行處憔悴蕭蕭兩鬢華

潮落空城誰重過猶餘里耳聽鳴珂襄陽耆舊知誰在江
左風流不厭多自見石麟眠枳棘長聞蜀魄叫松蘿野梅
開盡西湖雪萬斛春愁奈爾何

湖水荒寒食天相逢猶逢國初年紅樓夜唱花間集翠
管春吹月下船玄圃白應留富麗湘雲誰為惜清妍可憐
有關袞闕補無因沉憂遲明發再拜使者言聽妾訴幽鬱
但願早休兵東南民力竭慙慙致尺書目送飛鴻沒

題顧進道所藏西園雅集圖

西園緬邈天中開仙山淥池異蓬萊翠葆脩拂花去傳
迎都尉朝天回寶繪前榮日初旭一時冠蓋如雲來玉案
離發天藻瑤姬催獻流霞杯松下羽衣絃似語烟霞搖
艷金銀臺興酣飛筆洒元氣岩屏扇扇寒欲摧幽賞羅泉
賓石床淨如拭想像栗里人青林混顏色緇衣者誰子入
竹坐深默眼中綺麗何足珍回首秋風化榛棘君不見金
谷澗龍鱗池木妖石怪中藏禍機吳歌楚舞顧影悽悲丈

夫不愛士富貴空爾為徒勞玩物志但為後人嗤何如巢
居杯飲得真意年々歲々義農時

芭蕉士女

為愛芭蕉步玉除雲根飛翠濕霞裾蕊珠宮裏歸期近懶
把芳心葉上書

瑤島春陰翠氣明玉顏彷彿見飛瓊幽懷自厭黃金屋閑
向芭蕉花下行

酬夔秘監

青烟竹外煮金芽更對山人酌紫霞半醉東風催上馬一
身香雨濕宮花

太液春深綠水濱後宮爭唱柳枝新黃金不買長門賦醉
酒花陰睡殺人

石菖蒲為子庭作

冰夷出海獻珊瑚帶得蛟人數葉湏今夜九疑仙客到滿
衣風露濕玄珠

洒筆能招壯士魂春風芳草憶王孫何人擊碎連城壁留
得衝冠髮數根

鄭元祐

字明德遂昌人書無不讀肆意詩文前不讓古雖在
隱德與館閣虞馬並稱於時予從游既久凡所作多
得云

吳桓王墓

有吳桓王之墓田乃在盤門南郭邊墓中玉鳧久化土石
上赤烏猶紀年寒食無人洒麥飯東風滿地飄榆錢功昭
前王啟吳祚葬地合擇名山川閭闔城南不百步土薄易
致畊夫穿昭紘諸臣號詳密慮不及此寧非愆緬思山東
舉義日郿炷顧已無諸賢惟王父子起相繼黃星閃避東
南天假之修齡定四海許下豈容瞞著鞭鑿山掩匠等發
掘朽壤一坏誰獨專白楊蕭々北邙路姓名能得幾人傳

登鴻山弔梁伯鸞

我以飢驅爰適樂土居近山麓山名孔撫問之父老曰漢
伯鸞父嘗登茲山歷覽平楚因以名山義非誇詡我行山
棲茲豈其所敬弔夫子願嗣德音禽栖擇高魚游擇深夫
子當盛時尚投朝簪顧與德耀傭春是任杵臼和樂雖々
瑟瑟上揖唐虞下混古今而我肱折不知息心年登知命
尚浮尚湛聖域緬邈世途崎嶇矢將從夫子投爾深窅既
齊物我兼忘昏曉萬里非曠一隙非小毋曰昭々示人皎

上聊從茲逝以謝膠擾夫子不我違終我身是從蠅附以
驥
松有薪朝炊有稻夜饗長子老身真情是鍾優
哉悠哉歌以相春

送沈仲說

錢唐湖上水西頭歷歷山人舊釣遊相府猶餘秋水觀酒
旗多樹夕陽樓春喧車馬松間寺夜載笙歌月下舟見說
消歇休文歸日重淒愁

送張仲賢北上

海上人家亦壯哉遠潮平處是蓬萊道人宮闕天晴見龍
伯衣冠霧裡來東日欲升長照檻北辰在望每登臺鳳麟
洲近天光密鳩鵲樓高雪霧開論治儒臣工獻納當陽聖
主急賢才貢琛還見柑登俎讌席仍聞樂奏械過雨綠蕪
連地遠翻階紅藥倚雲栽故人若問滄江老為語窮愁絕
可哀

送達蕪善秘書

木天高拱夜何其翠被初寒更漏遲上帝錄書藏紫禁貴
神燃火出青藜懸知策府稽諏處預想虞廷獻納時厚報
函盈茶蓼頌湛思汪濊蓼蕭詩豈徒述作矜雄艷政以都
俞啓蔽虧國是每濡雙賜筆鼉鼓光長發萬年枝從容寶錄
開金鏡縹緲祥烟度玉墀儒術致君還有道皇明鑒物本

無私廟謨已發群經秘
岩穴寧令一士遺
歌咏太平還有待
腐儒頭白竟何如

月氏王頭飲器歌

穹廬野布諾水東大旗之下
單于宮甲光五色馬如蟻列
層壇嘶朔風月氏降王昔授首
圓顱啟封出盛酒金屑
露刀撓以留犁不停手
漢國使者歎血盟大邦氣
與虹霓爭當時老上天
驕子控弦西射金天精
數級論功濺腥血劍花交簇
陰山雪欲至龍廷醉蹋舞
一卮倒注陽靈穴哀王之歿
同智瑤帝閻盍遣巫陽招魂
招不來守之泣恨結玄雲貫
寒日

頭白歸來日井邑淒涼生野烟
青苔寺裡客來稀
烏石岡邊僧自歸
金雁嘈雲春不去
玉魚衝雨夜曾飛
出門每歌月皎皎
製佩莫惜芳菲
人世何由比金石
嗟我欲把東皇衣

次韻錢伯行遊仙體律詩二首

海定神風湛綠羅
仙人辭藻寄來多
貫珠音在雲誰遏
琢玉文成手自磨
憶昔絳河輕就別
至今黃竹不成歌
可憐人世書裙手
池上猶籠道士鵝

軋上青牛擬度沙
煌煌白兔豈無家
肉生徐甲符難秘
斧鉞吳剛桂始花
諦授寶書盟刻玉
醉離瑤席舞傳葩
竹宮

望拜真癡絕日。麗光在景霞。

送劉彥之高士還江東併東張一無尊師

劍寒秋水客東歸。堂上慈親白髮稀。櫺具定無璫玉。毳綫痕猶是紫烟衣。蜂營崖蜜花爭發。鹿養春茸蕨正肥。自古山林有甘脆。何妨物色報春暉。

為問江東張道士。著書還了致柔篇。江湖冷落番君老。雲漢昭回象帝先。芋火夜煨霜後葉。菜庖朝汲澗中泉。相依共住知何日。孤鶴還。意惘然。

送何景文

郡國推何武。江湖老鄭虔。世儒方蘊藉。詩律尚清妍。宰相才難得。文章妙莫傳。歸耕釣臺畔。蚤寄白雲篇。

送楊季常山長

楊子談經處。吳公學道祠。宮墻紅靡。庭篠綠差。演迤詩書澤。冲融雨露私。草玄心獨苦。稽古力難。二載平生學。諸生去後思。簡書猶用試。匠石詎能遺。霧豹方深隱。雲鵬豈後時。會看清白吏。勲業著旂常。

催花雨

陌頭微雨細。數。陌上小桃紅未開。盡日已催梅破萼。向陽還。迫草抽芽長。鏡早與栽黃菊。深巷時須步。綠苔只恐清明花發盡。須教梁燕早歸來。

生香亭

方看幽草動區萌便有交枝轉谷鶯樹影齊圓日停午蜂
衙欲罷雨初晴青摹屋角山容出翠養蒲根石髮生自為
新來作詩瘦隱侯元不負閒情

翠雨亭

竹梧亭子翠珊珊人在空濛烟雨間春莫但聞鶯百轉秋
陰每見鶴孤還且看樹頂停雲碧莫踏苔花滴露珠如此
林廬不歸去高情誰與共蕭閒

陳栖山

棲道青山深復深尚爾蛩然聞足音雞鳴樹巔客叩戶水
流花開風滿林身拜東皇撫玉珥首栽南冠彈素琴一聞
招隱淮南賦便將飛屐度千峯

贈岑醫

經絡多岐脉貫身巔厓性命屬誰伸如生獨得岐黃秘起
死能兼郭華神龍獻秘方長係肘虎巡熟杏不傷人懸知
此道無疵吝花發鳥啼隨處春

春遊石湖

越來溪上水融融間聞鷓鴣夷棹底風暖霧黃消治平寺燒
痕青入館娃宮笙歌作樂年上少魚鳥閑情處上同弔古
由來易興感尚循華髮繫孤蓬

題楊妃上馬嬌圖

君不見華萼樓前上馬時
君王忘是壽王妃
龍顏含笑待
持控海棠睡
美春風吹綉鞍
嬌凭翠袖冷
金鞵擬跨絲鞭
垂宮靴拍
欲馳及筵
步搖危不支
六宮窈窕千蛾眉
並乘要裊黃金羈
芙蓉濯露搃殊妙
雜選綺羅知謂誰
獨擁玉環何所之
聯鏡欲向華清池
雙龍嚙踏花去
錦香覆滿紅胭脂
從官車騎空瞻望
並肩私語行遲
行毋遲
日已西
漁陽鐵馬崩
馬追纔出都門
便別離
千古萬古
令人悲
再拜能忘臣甫詩

西馬圖

西來萬里氣如雲
便策天閑第一勲
此日登歌薦清廟
于今能得幾人聞

仙山訪隱圖

霞光樓觀仙人宅
苔色林廬隱者家
萬壑千岩何處是
停陸試認碧桃花

風林舒歎歌

舒歎風林秋滿蹊
白駒空谷草萋萋
相逢不作蘇門聽
應有長松鶴未棲

溪岸濯足圖

濯足清溪水已寒
青山猶有此衣冠
黃塵三尺烏靴底
誰

與歸來把釣竿

松石高士圖

樹連山石幽蕭然冠履白雲秋只愁畏壘無尸祝不
憚長年為爾留

東坡笠屐圖

得嗔如屋謗如山且着蠻烟瘴雨間白
遭墓食不盡清光依舊滿人寰

山雪齋

山中太始雪玉光鬱嶺岵積之非歲月坐而閱暑寒純白
既不變空明非難懸冰松梢墮危石澗底蟠維時古真
人首栽雲冠憫世方內熱憂喜虧其完燕坐以觀復一
念萬劫寬問之何因爾笑指青琅玕

寄李大本兼柬理江陰

不見李丹名父子澄江日水烟中角聲古戍淒霜月暝
色孤帆亂渚鴻首藉闌干鼉采上蒹葭零落歲華空登高
能賦陪熊軾却自窮吟倚北風

送楊季民采詩還江西

悲涼南國采詩歸大雅寥々入譜稀白馬尚誰歌有客繡
裳猶自賦無衣離鴛顧影秋彈瑟舞鳳啣梭夜織机輯錄
已成垂世教珊瑚枝上看朝暉

題仙山樓觀圖

嵯峨三神山仙聖之所居芝草為樓觀霞光曳衣裾渴飲
碧柰漿飢食紫林腴霓旌冉冉下八鸞馭其輿青童啟藏
室帝命較寶書齊心始能讀字字皆玄樞朗詠以相授靈
風舞神魚天遠不得聞何以能啟予空瞻珊瑚日照耀金
錢氏東樓

送峽州學正

飛樓百尺堠山西長日看山不下梯簷樹午晴烏鳥噪井
梧月上鳳皇栖翠蛾度曲繁聲換細帙垂籤細字題何處
一聲樵子笛陰陰桃李綠成蹊

題蘇武牧羊圖

夜雨西陵樹春風至喜亭學宮資裁正士類仰儀刑天險
開三峽人心繫六經哀猿月中嘯莫作異鄉聽

題梅隱圖

昔者山人住杭州和靖祠邊水東流先人牧廬與祠近取
徑政在山之幽平梅花三百樹無復春風一樹留荒烟
野花開躑躅落日林樹啼鵲鷓鴣黃昏娟娟湖裏月每為香

影含孤愁長懷此花冰玉質無之自足令人羞眼明波間
雙白鷗亦復與世相沉浮不見梅花已淒怨誰吹聲湖
水頭青山難聞楚人調白髮易感商聲謳吾廬亦豈能自
愛種梅透屋寧嫌稠二十年間屢易主歸魂每夢花間遊
因觀此圖重嘆息萬事何異水中漚知君斷非充隱者卜
居梅花善自謀我獨漂零江海上悠々千古一登樓

送季山甫慈湖教諭

季子揚舲之甬東慈湖應與暮潮通豚吹野岸楊花白鳩
食桑林蕙子紅遺老應傳已易說先民誰繼日鈔功悲涼
古學漸頭白日送孤雲沒暮鴻

荅謝白馬奭公送茶

玉川破屋柴門晚遣送靈苗似穀芽秀句驚看紅藥嫩狂
歌起舞白題斜藍封外裹藏丹箬昂候旁存伏火砂啜罷
乘風欲仙去更從何處覓三車

春寒

春寒肅々過王師都出南門送鼓旗嶺海鯨鯢就誅日江
湖鴻雁欲歸時叅差帆葉開溪舫顛倒梅花落硯池多病
杜陵頭白盡每因送客賦新詩

和陳子貞見寄

別來見話幽人屋此去當扶野老筇涇底魚肥春欲上墻

陰薺嫩雪猶封齋庖不輟頻炊釜山屐應留醉語蹤他日
孫從外家學書籤題墨寫教濃

題曹松逕家譜後

三徑雖荒松尚存東川遺老識清門秋香歲發窓前桂海
氣鼉升屋角噉春雨丘園花結子夜潮溝洫浪留痕于今
戶屨知多少但說師嚴道並尊

題二馬圖

奚官浴馬試與騎一匹受鞍一匹嘶房星之精四飛去昭
陵風雨夜淒_七

沙陀義兒御兩馬正從梁晉爭天下惜哉不見夾寨破楊

五功名竟獨跨

題許道寧溪山秋晚圖

江山黃落楚雲寒野老岩棲一塢寬賣藥長安不求識如
何飛墨下雲端

題盧益修白描水仙花

盧生吮筆寫三香海上仙人欲取將宮闕累酥春雪霽好
留屏曲寫孤芳

題蟠松扇頭

曾障西風庾亮塵支撐根柢妙輪囷屈將千丈虬龍質一
握生綃敢望伸

題西山水

海岳蒼前萬頃雲，高深顯晦屬誰分。不因此老淋漓墨，那得溪山在練裙。

畫史誰如此，老顛能融筆墨寫山川。青林白石江南路，何處堪耕二頃田。

題梅花卷

此花正如黃叔度，不見令人鄙吝生。谷底歲寒誰遯得，白駒歎側晚烟明。

題柯敬仲墨竹

天矯窮鱗江海姿，只今飛墨髯如絲。五雲天遠龍髯墮，畫

作篔簹雨後枝。

題趙仲穆擦痒馬

啄瘡烏去夕陽西，磨痒枯株振鬣嘶。今日戰場春草綠，相看誰濯錦障泥。

題趙子昂蘭

鷗波亭下楚香銷，公子騎箕上沆寥。縱是死灰芬酷烈，巫陽誰下九重招。

題趙子固水仙

雨帶風衿玉體寒，為誰解佩在江干。金支翠鈿那復得，只愁歸去便乘鸞。

題墨山礬便面

一握方諸七里香
玉英如雪映春陽
空山絕壑東風晚
底事湘累忘楚芳

題蘭蕙便面

障面無嫌京洛塵
一叢蘭蕙出水輪
只疑大地山河影
不照沅湘有逐臣

題熊自得叢竹便面

漪上綠捲鏡中天
元子何須苦惡圓
萬葉千枝繁不亂
化工消息儘無邊

題李成枯木

誰如惜墨李營丘
屈鉄交柯烟雨稠
記得滄江龍出壑
怒鬚捲霧拔山湫

題萬竹圖

遠近陰晴玉萬竿
渭川何在綠雲寒
硯坳飛墨如飛雨
白髮蕭郎仔細看

題王元章梅

舊時月色有誰歌
拔劍王郎鬢已皤
惆悵春風奮詞筆
南枝香少北枝多

題顧定之竹

石屋老人畫竹石
後之學者森如織
河源一分百派殊
天

下紛々竟誰識

題明雪窓蘭

生公臺石比雙峩兩不為稀萬不多蘭蕙香銷荆棘裡光
風流轉奈君何

題趙子昂蘭石

捐玦孤臣萬古愁思君日夜水東流春風開遍閑桃李却
對青山泣楚囚

題柯敬仲梅竹圖

苔石相依葆歲寒憑誰翠裡倚闌干玉文堂上蕭々雨墨
迹于今尚未乾

誰料丹丘不復生眼眇長向墨踪明釣竿若拂珊瑚月少
為梅花住越城

題

抱琴船頭為誰鼓滿江秋聲荻花浦鯨魚出聽掉尾舞曲
終鴻雁起江滸帝子降兮木葉下

闕文

題文與可竹

欲屈王郎作繁使只應蕭李與文侯尚有陰々竹里館萬
竿玉立輞川秋

題岳家舊藏高彥敬雲山圖

千柱華榱淇淥堂只今衰草野田荒空餘寶玩誰開闔一
疊雲山淚一行

趙子期尚書於省幕創軒曰小瀛洲題詩要和余
與玉山同賦

粉署煌煌閃幻霞道山宮闕宰衡家碧梧每集朝陽鳳瑞
露長滋夜合花風裡槐音聞奏樂秋來星采驗乘槎十洲
多是神仙宅誰識溪真尚浣沙

玉山詩曰鳳皇池上神仙宅五色卿雲接帝家金
水暖通蓬島浪紫薇香度垣花中天草木春沾
澤滄海星辰夜掛槎聞道朝堂清議了題詩好為

護蟬紗

題練雪軒

誰練紅爐雪晴雲觥面旋六花吹作乳兩腋欲飛仙蒼壁
龍鱗舞松風鱗眼圓如何鬻白石一味舌頭禪

題山水扇面

一握方諸鏡裏天分明雁蕩石城連仙人不患蓬壺小便
駐鸞笙五百年

送蕭萬戶還蜀四首

將軍旗鼓填西州六詔猖狂一戰收餘墨朝猶磨盾鼻重
鑲夜已拊刀頭歸朝却獻王褒頌去國纔存季子裘醉裏

相逢拔劍舞滄江斜日水悠悠

萬里乘輶出帝京涉波南海斬奔鯨回轅不困壺頭後載
未來尋谷口耕尚可班荆談智畧何嫌拾芥取功名卧吹
簫管揚州去莫遣春愁白髮生

搃戎西蜀幾經行從事誰令爾獨賢躍馬莫矜橫槊賦聞
鷄不道枕戈眠韜藏寶劍塵生匣愛惜琯弓夜弛弦歸到
閬州三月盡江花如錦照鞍韉

百丈牽江還閬州旌旗擁接舊君侯按行貔虎千岩戍蹴
踏魚龍萬里流奪錦亭園花陣雨離堆記積蘚痕秋平生
漫有相如檄拏手何時作勝遊

楊鐵厓新居書畫船亭

草玄心苦思如何艤岸舟輕不動波聽雨夜篷燒短燭
雲湘竹噴愁多賦成猶夢橫江鶴書罷應籠泛渚鷺想見
後堂涼月白彭宣腸斷雪兒歌

陳履元畫玉山草堂圖

故人陳孟公亂如春氣如虹画法師海岳山如騫鵬樹如
龍騎箕上天二十載有子黠鼻画極工驚蛟噓雲海浪白
離鷺照水岩花紅皴鱗聳鬱澗底松中有一畝幽人宮石
床支頤睨飛瀑意遠欲托冥飛鴻我欲從之不可得青山
萬疊金芙蓉

石抹萬戶輓詩

提師海上戮奔鯨
玉帳宵寒隕大星
鉄馬嘶風秋雨暗
天
斧夜潮腥
當時仗鉞今傳劍
前度平蠻未勒銘
想見城陰練卒處
三軍淚洒曉痕青

寄張伯雨

露冷玄洲草樹疎
硯泉分得礪循除
鈎提石記修人表
筆削山經作志書
丹昂曉温松葉酒
茶甌春點菊苗莖
殘骸若有登真分
亦欲西遊候羽車

活死人窩歌為番易仙伯胡道玄作

我嘗夢登天
身乘帝青雲
下視六合大
死人何紛々尸行

鬼走不知醜
天跳地掉無由分
首戴髑髏萬兩目
腸懸湊空孤墳
自謂策神智
可以奸明君
自謂瑀纂組
可以成華文
自謂昭旂常
可以銘前勲
形如枯株心
強活氣如濕
灰耳強聞哀
哉腥腐窟何以能
超羣天孫謂言此
皆不之云累々白骨成
飛塵安知中有不
死人首髮兩結目
如電揮柯風雷走
塌額玉陛下
自稱小兆臣々之
形骸與衆等
久斷葷血腐肉皴
言臣不死誠謬妄
固有不死丹元君
丹元君在何處
泥丸真人且延駐
一曲鸞笙五百年
死人窩裡翻身去

題張伯雨精舍吟

翻上風流江海姿青山滿眼空遐思圮橋授書帝者佐襄
城問道天為師題扇書裙莫相惱傳符繼錄容何辭願逐
白雲去滄江斜日吹叅差

至正十年正月一日與龍門僧良琦臨海陳基聯
句送匡廬道士于彥成歸越兼柬蕭元泰盧益

修云

歲朝逢王春雨雪暗吳下行人明當發祐別袂慄莫把飄
飄賀監舟基蹀躞靈運馬山驛梅始繁琦溪船浪仍打行
紆莊寫吟祐去結遠公社禹穴細與編基蘭亭集群雅神
運鶴髦朗風標鸞經寫祐雙鳧繼遐躅千秋祝純嘏基信

憑回潮尾春融枯樟髣祐越臺瞰蓬瀛胥濤駕龕赭基白

戰隱鞍甲綠醕酣祐智囊倒精悍詞鋒發侈哆琦蕭

史德符歎 教天游者道樞混溟滓語穿脫誤課祐但令

冠莪上肯羨綬若上滄海等稊米黃金真土苴接罹或露

髮短褐不掩踝捷若矢離弦勇如金躍冶青雲步伊始白

雪和殊寡基土膏動勾萌春情滿原野琦桂樹歌詎已柳

枝折難舍基別夢梁月墮清談松風洒琦蓬藿既可居蘆

蕨自堪鮓基望上玉山阿來朝卜燈巴祐

和玉山見寄

扁舟不亂白鷗群又復移家入水雲載酒可無人問字揮

毫故有客書裙荒涼漢室銅盤淚剝落周宣石鼓文猶賴
顧循能慰藉江湖冷落見番君

顧瑛詩曰我愛屢居鄭有道屢辭徵幣卧松雲年
來短髮籠紗帽客至新詩寫練裙几上只留招隱
賦人前每讀送窮文清時已見文明盛日上高車
訪隱君

雪槎軒

崑崙河源不易窮靈槎萬里待秋風載雲欲問成都卜持
節知成博望功既犯星辰上天漢盍為霖雨佐年豐如何
旅泊嚴陵里只掛詩囊與釣筒

送李秀才鄉舉

秋風又復度宮槐文采何人似爾佳花渚飛雲迎客棹柳
絲縹雨映天街寶刀必淬吳歐冶天馬還生漢渥洼俗士
紛上令我病何時高論寫澄懷

劉宗師入覲次虞學士韻

暫辭白醉三峰日又御青冥萬里風月帔引朝宣德殿雲
韶賜宴集靈宮懸知漢主龍顏喜似見商於鶴髮翁便使
圖形在麟閣開心只愛白雲中

送僧禮五臺

飛錫曉辭獅子林五臺天遠谷岩深寶光面上金銀剎天

樂時。鐘磬音崖土亦知成佛貴。峽泉似瀉祝堯心。北歸
且向皇都住。莫聽西風月夜砧。

次倪元鎮見寄韻

穴墻荔薜根株懸倒架。蒲萄藤蔓亭非無。洛下先生屋湏
得邛州錄事居。鴻雁天高青不雨。鵲鷓沙晚白生烟。松雲
隱。結構何日書來解榻眠。

送毛彥昭歸三衢

載雪曾過太末溪。天寒砂石淨無泥。確確春白粲連灘。响橘
熟黃香壓樹低。水驛燈明驚見雁。蓬窓酒醒忽聞鷄。龜峰
記在君歸讀異日。春風聽馬蹄。

明月鏡

神工鑄明鏡。持進嫦娥宮。嫦娥羞鑑容。暮掛扶桑東。浮雲
散。天風照耀九海空。如何萬丈光。瀉入詩仙胸。談玄走銀
蟾。落筆驚彩虹。掩却星斗文。孤輝天地中。

送人

歲月蹉跎秋復春。輪困癭樹不求伸。斧斤何待秋零落。多
是長松百尺身。

游仙

煌煌珠樹四時春。樹影玲瓏月滿身。理罷玉笙朝斗去。就
中誰是避秦人。

柳下鍛圖

何所聞而來不妨柳下鍛何所見而去魏昂由爾換嗟哉
志士千古心有鎚不鍛躍冶金

題小妹卷

天寶治衰妹兄出白晝宮庭骸獰獠妹時何在不佐兄靚
粧自銜妖嬈質後來形見知何所百鬼尊之莫敢睹提劍
躍馬從其兄每為人家守環堵老韓飢窮夜縛船送之不
去今幾年妹肯從肆屏逐我亦家富黃金錢

送晚二字

春華蝴蝶謠

花魂迷春招不歸夢騎蝴蝶江南飛碧蕤粉香飛不起卧
帖芳茵唾鉛水痴娥眼嬌錯驚顧解裙戲撲濕寒露折此
搔首笑相語何人芳心共相 顏雲流光空影寒冰弦恨
結啼闌干

次韵沈存齋見寄

八詠樓前藻思新白鷗波上最情親詩盟有喜諸君在情
話無如野老真歷代寶歸金匱鑰重山光吐噐車銀丁寧
笠澤烟波上留取珊瑚拂釣綸

六月六日初度有感

三十六陂空是昔荷花荷葉待誰看星辰不合躔龍性
命何嫌似鼠肝扁石處卑心不轉蓼莪終說淚難乾晚來

惟有墻頭月依舊清輝照鵝冠

遊天平題文正公祠玉山同賦

白雲鄉裏魏公祠翼上丞嘗奠薦時廟享百年亡國後道
求千古聖人知山侵鳥道盤風磴石拔鯨牙挿羽旗更上
高亭望吳下墓田秋實正離上

顧瑛詩曰魏公勲業垂前代百世高風道並隆立
廟東吳見遺像出師西夏有全功山回鳥道千盤
盡天入龍門一罅通赫上皇元昭祀典丞嘗亦與
武侯同
長孫皇后免冠圖

貞觀聖人還紫宮按劍欲殺田舍翁上本帝仇今作輔逆
鱗易批難論功后聞君言心惻惻自古君明則臣直劍血
一濺直臣頸女範先剗賤妾臆免冠再拜明主前陰教遂
並日行天異時拭目看陵樹不以大義虧其全

題謝自然像

老韓佶屈在世間好以險語鏤神奸上仙空飛上丹闕政
自與世不相關奚為造言極誣詆何妨月照千江水龍伯
珠宮深處明鶴髮蒿歸醒時喜扶植世教湏老韓天風不
礙鏘鳴鳶君不見果州南充縣香火至今盟未寒

題張叔厚白描麻姑像

狡獪仙人來自東海波清淺日輪紅易遷宮裏飛霞佩只在鸞笙一曲中

題達監司所藏柯博士秋山圖

風流南國典籤孫筆底江山妙吐雲吞湧座隅岩木動瀑飛書屋浪花翻危橋僅尺疑虹飲恠石逾拳作獸蹲可即田廬朝掛笏只應蘿月夜窺門林深曷致巢松鶴谷响如聞嘯樹猿裹飯趨虛身欲往擔簦陟嶠手堪捫公庭未竟東方譎画史恒推北苑尊老矣玉文堂上客悲歌一慟為招魂

桐花烟為吳國良賦

桐始華桐始華開向荆溪之水涯溪聲長繞李侯廟桐陰儘覆吳生家藏燒墨訣傳自李潘語非夸掃桐花烟三萬石物鬼守護無疵瑕千杵萬杵白兔白麋角搗膠無夜晝製成龍香古圭璧玉剛金純石同壽奚老然松_二化石潘痴坐井_二裂甃二子知掃桐花烟生也與之相後先墨成飛上通明天紅雲一朵捧宮硯試之漆黑勞磨研吳生技成等潘李肯讓諸莆先著鞭

吳克恭

字寅夫毗陵人好讀書以舉子業無益于學遂力意古文其為詩體格古淡為時所稱翰林老成皆與之交多游雲林及余草堂因得其詩云

送沙子中經歷建寧

武夷蒼巖春日黃山行
兜子陟炎荒故人右榜多通顯
清廟遺音獨渺茫
官堠綠林穿荔子人家餉客食
檳榔兼之此地多書籍
公退牙籤日幾行

送盛煉師游浙東

胡麻飯熟氣如雲
相望東西浙水分
丹室赤城故通籍
青鸞白鶴亦同群
須識異人多道氣
還尋古跡要碑文
豈無福地相逢者
高踏雲床寫練裙

送友生

春風顛狂復細微
吹波蕩槳動人衣
野桃葉小流鶯至
官柳條長江鱗肥
稍別未嫌頻作
相逢自識固應稀
腐儒竊祿真何補
望上滄洲白石磯

城邊柳條

城邊柳條春意動
近者力至復低垂
須令傍水留披拂
不獨撩人骨
別離過月即看隣
綺樹卜巢還許借
黃鸝荒州物色猶如此
若在御溝應更奇

達兼善除秘書監未上而有侍郎之命賦詩奉送
雞年海內龍頭客早負詞場一世豪秘監稍遷為學士侍
郎即去重儀曾到京騎從看花蓋過閣朝回拾鳳毛 憶
玉堂何處所青春白石見揮毫

陽羨茶

南岳高僧開道場陽羨貢茶傳四方蛇御事載風土記客
寄手題春雨香故人惠泉龍虎感吾兄紫筍鴻雁行安得
茅齋傍青壁松風石鼎夜聯床

東陳漢卿郎官

荒土城邊草樹隣荷君詩語數相親交游豈謂尋常輩耆
舊都無四五人才比阮生誰放曠賦傳庾信最清新愁深
江燕啣泥急偶汗床書不忍嗔

過義興周將軍廟

陽羨溪邊孝侯廟陸機文字右軍書惜從名士傳家後誰
謂將軍亡國餘蛟虎于今正狼籍鳳麟不見謾歛歔陰
棟宇多松檜擬欲臨流卜隱居

懷杭州李二尹

蘭省故人何寂寞柴門風雨獨徘徊老夫老向愁邊去春
日春從病裏來王粲空傳鄴下詠山公不復習池回篋中
書疏愁俱積忽到思君一屢開

贈曹仲普

學省花陰覆苑墻鸚啼曙色映蒼
翁今拜秩少宗伯樂奏春官新太常
通陞起居同典禮侍臣子弟合為郎
扁舟道別江城暮瑟朱弦思渺茫

答陳伯將見贈兼柬陳漢卿明府

空山一榻坐談禪野性三生似有緣
結幾時心可遂垂蘿百尺手須牽
神交禹穴空青外情在匡廬太白前
寄語江邊種桃者白頭相侯看花年

問郭君錫病

向宿丹陽舊草堂映人嘉樹憶相將
階前蕙葉幾多碧江上柳條無數長
不擬得書成卧病遙知裹藥自聞香
來時許我青松障莫遣雲山墮渺茫

題張氏溪圖

金壇縣東風日淒中有白鶴之長溪
羽族相悲故巢失名字尚許幽人棲
倘同芝房歌赤雁還學草堂鄰碧雞
數日清秋期一到滄洲画壁有丹梯

臘月二日茅君煉丹之日是日丹光隨處發見

臘月已至乃如春林下丹光復有神
學道因尋許長史焚香還謁魏夫人
黃精在礪秋來喫玉刻開函老去親
流水長松堪坐憇償開書甕識前身

許御史示長公左丞貢院倡和詩

千官遲寂 漏聲遲春滿宮壺雨露低賜燭漸聞簾底給奏
名還許殿前題由來騷裏驂騮並自是蘭茗翡翠栖擬踏
浮槎渡河漢却從北斗望西奎

惠山泉

龍之峯秀蜿蜒玉漿迸出為寒泉來歸石井僧分汲流
入草堂吾獨伶暗滴洞中雲細 冷穿池上月娟 乞
茶經與水記俟予歲晚奉周旋

送達天山應奉北上

國中太史浙河遊碧樹風生紫綺裘蜀郡奉祠楊子老漢
廷召對賈生優金盤芍藥還相咏翠籠櫻桃亦易求幸得
草堂同晚飯少陪高論借遲留

懷陳漢卿從事

兩江故人蹤跡踈汾水牛郎能遺書青鏡時 傷往事素
絲日 看新梳簾穿迸樹攢雲氣扇接飛花下雨餘爾亦
官居古道院一春情思竟何如

送趙志安之南康

西有白鶴東青牛老夫甚欲匡廬遊百花春明錦綉谷月
水深麟鳳洲予生晚識中執法子去早客西諸侯倘因
矜佩來如雨仍及此時還自修

用廣智禪師語意寄題仲潛上人南昌凝翠樓居
智公族近院西東憶昨樓居在眼中隱々來龍過百里團
々凝翠斂諸空神交李白九江上指點廬山五老翁秀色
待餐何日可倚蘭不獨興無窮

道傍古墳

孤墳兩松樹風起秋陰暮月出沙草黃野烟白於霧斯人
蓋棺定長夜無由寤浮生竟何為陡覺傷馳騫二氣積恻
悽山川莽迴互何不學神仙翰飛飲朝露悲哉茂陵骨曾
為仙悞學

元日試筆

園風上日至盆蕙氣何清明看雪晴處還當春草生流光
泛椒醕衰鬢颯華纓懷哉金石友浩蕩寄高情
昔時蘧伯玉五十始知非余今四十九懷賢寧再違非圖
慎寡過修名良可希雅道日以微何以寫琴徽

賦翟志道家三琴翟年五十九以青陽縣令引年
蓋高士也

翟公家三琴繁々金玉徽觀其記中語熟讀令人唏玉徽
落將 蹴踏當床闌齟齬蛇蚶紋手澤自淮淝金徽差小
王生舊所遺生居湖山居禔々者深衣憶別三十年老
大減腰圍又有墓中者才德婉而微其初來薛氏斲者識

雷威薛亦亂離得最後歸林扉公云皆我友愛比玉與璣
昔公為縣令寧弃笏與緋胡此獨不釋謂是古音希我嘗
聽公彈空齋坐忘飢松飈度落雪竹日流清霏或時作龍
吟華玉吼朝曦或時嶺猿叫夜磬空霜飛或時呈瀏亮露
鶴鳴江磯高情寄絕代妙在神氣機感深動測也望洋見
頽也浮雲琵琶箏俗耳濶是非藉此羅酒肉識者恒諷訕
倘生盜跖粟寧死首陽薇周公不可作孔子將安歸猗也
林下蘭庶草聯芬菲春天不得佩歲晚還噉請公操此
曲古道資憑依公坐默不應面墻看伊蟻

題白雲窓

白雲本無心廼生窓牖間崇朝寄所託日晏淡忘還並秀
綠蘿雨餘潤紫芝田悠也將無同翳也還自然欲得此中
趣惟觀天際山獨想陶弘景令人心意閒

倚雲樓為至上人賦

至公好棲居揭以倚雲名雲虛不可倚直欲觀崢嶸歛爾
山中起油然石上生濕衣沾弱絮過角弄輕英最覺凌霄
迥還看映日明透迤成故事憑藉足高情懷哉虞太史題
詩為刻楹

見山亭為洞神宮主江濟川賦

本是江總宅晚為老氏宮軒豁此亭子樂哉同姓翁盤礴

青溪睥睨白門東
雲林肅仙氣道德揚清風
見山便自好何必居山中
悠然今古意此事將無同上

納交行

古人已寂寞古道復荒汲
井引寒泉仰見明月光
纖纖映素手輓轡轉銀床
願言持其盈得奉君子嘗
味清見高潔皎皎滿中腸
豈無盈尊酒合歡會蘭堂
醉即捐禮法亂性恐不祥
汪汪此中誼悠悠深且長
君當領吾誠報以伐木章

題虞幼悅西郊草堂

因憶浣花杜陵老使我
不樂懷成都張儀城外
雪山立玉女井邊春露濡
邵庵先生家本蜀悅也
草堂宜有圃成奉公以為
樂藉此名世何時無想
公堂前風日腴野梅官
柳一株縣官來問禮教
熟閣老出游孫子扶圖
書琴瑟在左右游意澹
天為徒新詩兼見公手
蹟讀者愛比驪龍珠公
在西郊草堂裡神交自
是才情美江水娛人秋
日暉雅音蕭條公老矣

秘書行送達秘監

天下學士聚鴻都老氏藏室仙
為徒漢有石渠更天祿貞
觀人才顏與虞故事星纏木
天壯東壁神光如寶珠閣前
芝草列五色慶雲湛露垂金
鋪三皇五帝在時事蓬萊道

家之所無近者委蛇行秘書蜀人邵庵日力枯迄今一代
論制作先生合上明光趨二十龍頭還最貴三十豸冠名
不孤揚歷中外復多載使預朝政恐所須竊當留中贊帝
謨奏列學者陳區口送酒况承光祿寺進食何止步兵厨
還思晝夜延青瑣莫問君王乞鑑湖

送牛彥伊湖南憲副

數歲情親託隣里飲酒自放寧拘禮城中故舊四五人與
子不識何為喜前者較藝列春官今者薦名登御史薰葭
蒼口白露盈鳳皇飄口赤霄起衡山諸峯雲氣高上有朱
鳥飛嗽口洞庭揚波瀟湘接送子百丈江中艘芙蓉此時
開滿郊繡衣握節巡江臯荆潭倡和得從事長沙幕府待
俊髦豈無他人我獨勞自古陳力還吾曹

送曹德昭入掾中臺

孟秋高颺蕩焱熱太白當頭映佳月天地始肅禾乃登長
歌送君思激烈青駘馬肥青芻秣公子為郎亦才傑臺端
象賢重耳目天邊北斗司喉舌大夫抗禮丞相掾 曹執
法俱才賢栖鳥在庭栢樹古元氣旁礴雲蒼然魯公葛藟
方綿口金鐘玉磬爾在縣快哉此行視京秩清廟之瑟朱
絲絃故人淪落江海邊為君一誦秋水篇請君直上窮河
源

送牛彥伊之金陵兼寄曹德昭御史

苦憶茅山陶隱居此行白下子何如未須名士收通刺還
有高僧留讀書五月蘭茗栖翡翠千年桂樹傍蟾蜍紫簫
聲徹臺山鳳綵筆香生墨沼魚昨喜故人來舊隱始聞御
史拜新除深期古道酬家業東魯文貞謚不虛

送張中丞之官翰林

中丞獻納道如何內相綵綸寵莫過槐閣地聯文石陞杏
園春滿曲江波陰陰雨露深青瑣介介星辰濕絳河花蓋
隔簫宮漏近柳條當戶曉鶯多中官送酒青絲絡上苑乘
駝白玉珂豈獨寸心圖補報要須元首及賡歌太常禮樂

還相問閣老才名迥不磨通國此時同悵望憶公何處最
委蛇鰲峰巨石森蓬島香殿微風拂御爐延祐得賢俱第
一野人白首分林阿

送友人歸苑陵

不道歸期落秋暮雙溪流水木瓜紅相過李白題詩處莫
著山濤故事中

題張氏野綠堂

記得東隣移樹時草堂前後插藩籬花英藥蔓渾閑事最
愛風生青桂枝

次韻虞內翰寄倪元鎮

呼吸朝陽煉日精
菖蒲花氣綠熒熒
幾時銀海浮雲盡
蜀客相過李士寧

春日

映日含風白苧衣
香飄晴雪弄春暉
故人騎馬不相識
蛺蝶自來衣上飛

偶成

船落黃泥與白沙
春光都在棠梨花
蜜蜂相喧作何語
日晚松陰報午衙

橫塘曲

妾家住橫塘
綠水映垂楊
五月南風起
荷花似藕香

唐宮詠

闔草賭珠襦
穿花提玉壺
東頭老供奉
好似報金吾

蝶

失意穿羅袖
緣情戀綉床
妬遺衣上粉
狂覓酒邊香

送龍翔俊用章住吳白馬寺

白馬吳中寺
袈娑建業船
黃花季秋月
錦樹大江烟
洗鉢胡僧飯
馱經漢帝年
何時虎丘石
共論永明禪

送鄉人錢明之赴閩闡掾

仗節開閩闡
分曹傍省闡
用人那有外
觀海更無涯
白露收柑子
南風食荔枝
未須頻會面
多寄府中詩

春風

飄飄泛綺陌，迴薄滿彤闈。拂衣光何綠，吹花力豈微。細聲行寶瑟，佳氣襲羅衣。萬有那堪補，一無何所歸。

送卓御史移西臺

漢節楚江東，堂上御史公。泰山指太白，胡馬驟青駝。光映長安月，涼生建業風。冥鴻有高羽，多在栢臺中。

陶巨川歸養

雁過秋霜落，滿衣數聲相近。白雲飛寄書，莫送潯陽鮪。采石江頭魚最肥。

寄石民瞻

澗泉堂上白鬚翁，苦憶雲山杖屨同。秋到黃花無幾日，人生只合酒杯中。

寄曹德昭臺郎

昔子驅車往河甸，河水迢迢不相見。侍御駝馬昔揚鑣，郎君今年復為掾。乍冬苦寒不可當，子乃哀經請太常。禮官封謚有褒卹，賜碑撰刻皆文章。名駒翩日千里自是驥，騮與駟駟范滂攬轡望澄清。愛爾傳家尤更美，我宗門戶真淒涼。四十五十年相將，數竒命薄多轆軻。但恐失所纏，風霜馮唐已老何。由起駿發不言幾，失子雄飛雌伏何。足論目斷秋江送雙鯉。

二月十九日登大茅峰夜宿元符宗壇因呈集虛
真人并閒遠潘尊師

大茅峰栖雲絕頂祠宮石壇秋日冷杖藜蕭條一老翁仲
冬焚香謁司命石間流水俯潺湲妙意所得何能言昔聞
茲山直通蜀避世何必求桃源清晨攀躋歷深幻下視諸
宮樓觀小亂葉打頭風倒吹是日苦寒絕飛鳥三君弟子
老奉祠清淨寡真慾吾師清酒綠液半凝暗慰我遠來還
渴饑閒遠先生更竒古壁間示我虞翁詩中愛道李太
白結巢雲松復此客九江秀色雖可食高隱何如煉精魄
吾聞茲山到處有神仙楊許遺書尚可傳泥丸絳宮朝內

景玉經玄文味至言如此亦足昌吾年

早行

溽雲斂徂暑陰火鍊金精瞻彼河漢白林園風亦清肅
郊雁翔嘒山蜩鳴吹茄者誰子三五柳邊城門一何
高岐路百從衡諒無楊朱泣悠然白首情

惡木

中園有惡木蜂蠆何其稠蛻蠖相同類小大僅不侔生性
豈如斯好惡非良謀古人善比况蝴蝶夢莊周

蓮葉何田田

蓮葉何田田田田生綠波明朝大如蓋風吹將奈何

草生盤石上

草生盤石上根深石不露水流盤石間風吹下山去
草生盤石上似許行人坐水流盤石間不許行人過

白苧

皎々机上素脉々閨中情砧杵何曾識玄黃遺染名裁絳
為君衣妾意自分明不受青蠅污還飄積雪輕舊歡團扇
合新歡蘭蕙清非惟抱美質亦復含素誠如何梁武帝子
夜換訶聲

谷口歌采榮

谷口歌采榮松間吹玉笙如無此時興何處有高情唐虞

讓天下巢許擅其名哀哉和氏璞獻者楚王城

草生可攬結

草生可攬結衣敝香不滅風吹古別離換我青々髮去年
往燕趙今年來吳越各自有情人鸞膏化為血

題玉山所藏淵明歸來圖後

陶令昔去官當世豈知賢杖藜柴桑里汎舟即斜川春風
五柳陰秋日秫盈田歲釀杯中物佳辰奉賓筵觴來各有
趣斟酌罄交歡為生豈易了藉此一欣然咄哉羲皇人既
遠身名全

蛛網上落花

飛花墮蛛網 映臨池縈空以搖曳相值竟相持不成
羅綺織翻為紅素悲回看舊時事傷滯腹中絲

送湯生茂才歸宛陵

春舟度鶴嘴晨鼓發龍灣軟語勞相接幽期任獨還風清
建業渚雲白敬亭山自有府公薦慚無遊子顏

春夏承河南僉憲兀顏子中問訊敬用酬上

有客湖南去聞公憲節新坐霑梅子雨憶別柳條春衡岳
瞻朱鳥湘江咏綠蘋升車訪遺逸問俗願清淳

賦少尹迺元臣為東平郡王之諸孫求詩

聖曆開文運王章定武功大人推部落開府冠山東日月
旂常異河山帶礪同諸孫傳赤寫小雅播彤弓一命起居
注載趨長樂宮掖庭官濟淮浙賦中竊忌徵求急方
來福祿崇翱翔鳶鳳日逆順馬牛風帝力生成大人心灌
漑公共圖歌政理多稼谷年豐

奉同楊廉夫賦簡杜原夫達兼善

徵君舊住臨江宅高世早排閭闔雲太史誰修名士傳隱
居合注武夷君相逢之處歌九曲小篆以來書八分勒取
山經載名刻清時白首重高文

送黃秘書歸金華作于張貞居靈石鵑

秘書古壘洗金坐間追琢寘之宗廟間乃復敦素樸科詔

昔求賢明經以為學君雖第三甲文氣已磅礴鳳毛聯五色麟定峙一角于時日正中青冥翔寥廓迄今半臺省往者俱館閣枚數盡英雄隱顯闕述作偉哉尚書 繼起秋天鷄一魁四海望旋得棲夜壑盛衰互絕續天意豈厚薄清言窮理窟私淑仰先覺况予幸老翁掛冠彌矍鑠安車大江左杖藜名山郭况及大夫公生世縻好爵述德紀豐碑山木工則度宛。白下虹剡。翠螭裸無雙江 安豫章元祐脚清標溢素羽皎若離羣鶴翕然萬里思芝草馬用啄不食固不飢風清九臯樂回首漢廷偃倒行竟前卻疏廣非甚賢知止自寬綽僕也畎畝中謳歌以耕鑿聞名

三十載交誼欣所託鵬鷄各棲飛萍蓬殊依泊天寒望古栢孤翠幾峴錯深期帝子階階彷彿洞庭樂餘音今在無大雅其寂寞緬懷虞閣老安問頗悠邈空花結翳業不療金篋曠滄江落日遠一葦中流弱外史論文章譚君口諤。語我盍賦詩持贈勤有恪君家金華隣冉。仙意作神光運艸木白石俱起躍攤書石間帙洗觥松下酌生榮畢志願俯仰何愧忤六經聖道微沿流到伊洛其文有蘊奧其義則博約後生待來茲前輩已零落往。輕師說授受工標掠虛詞相矜夸體認迷執捉君歸善自謀何以同桀獲詩教本人心煩君曉粗畧

東城行

東城俯春流，余昔釣遊地。憶嘗拈落蕊，相偎倚桃樹葉底。
避遊絲叢深，納飛絮同時。四五輩被服，俱美麗。千金各有
携，日暮恣遊戲。但道長如此，焉知老將至。昨日尋舊游，光
景徒自媚。白肆江海踪，漂零復誰記。非無桃與李，寂寞千
萬億。

南隣翟志道以著書為青陽縣尹作詩貽之

束帶謝廳事，抱琴歸紫荊。時雨適然霽，田中逢耦耕。遶舍
桑麻交，境與心跡并。皤然六十叟，始得佚吾生。適意杯酒
間，天地同其情。懷賢不可見，掇以秋菊英。嗟哉陶縣令，卓

彼身後名

策馬出郭門

策馬出郭門，仗劍歌載馳。河水北洋洋，太行東巍巍。風吹
白日暝，死者橫路歧。傳聞多殺傷，惻愴神魂飛。心御丈夫
諾，手握千金資。直前且不顧，詎以禍福移。人生貴同類，所
獨哀流離。迫此苦寒節，悠々僕夫飢。下馬知馬勞，上馬憂
馬遲。雖不通馬語，情事諒庶幾。落日古戰場，往々令人悲。
豈意霄壤間，我行今踐斯。

題米元暉山水

江上江雲漠々寒，有時帶雨過層巒。只愁海岳庵前路，水

沒黃沙鴨嘴灘

丈人行

城門有丈人種瓜綠盈園瓜熟許隣吃偷之竟不言歲久
都感激相祈瓜蔓繁雖有困窮去抱瓜不寬近者天稍
旱群兒走塞門請為救苦活不憂井水渾深知丈人德豈
感使君恩忠信苟不偷風俗誠所敦嗟也復嗟也敢為鄙
夫論

寄陳衆仲供奉

騎馬都下歸放船河中賞息沾翰林制樂奏鳳池嚮十年
雨露間一日青冥上虞陳本同姓詞源浩沆漭他山翠琰

刻別殿黃金榜諸公誦合作觀者必抵掌昨聞已超然近
見益高爽宜乎盛名下傳寫日以廣漢史奏德星君家太
丘長餘音撫廟瑟致禮張賢網吾衰竟五十所去輒尋丈
雲瀑代春弦女蘿為夕幌誓掛牛角書妻子鹿門往薄忝
君子交幽期起遐想

陳方

字子貞

題野秀堂與項可立同賦

沃壤的皞 齊長林深處結幽棲
草生夜雨江湖闊
花發春雲鳥雀低
梢葉已高瓜滿地
萁芽欲老芋成畦
踈簾細簾宜清晝
物煩公取次題

附項可立詩二首

霞際浮玉青霏 吳中景物天下稀
三江入海作秋浪
五湖滿地搖夕暉
孤鶩忽與白雲起
神龍或挾赤鯉飛
胡床抱膝但長嘯
丈夫安得為輕肥

築空湖灣種花柳
掃雲岩阿坐薜蘿
曉雨紅披黃鳥路
春風綠漾白鷗波
招隱誰看大山賦
扣舷自作小

海歌莫收俗物掛眼底
由来勝事吳中多

送趙虛一還金陵

中興天子潛龍地
頃詔先生去祝釐
奮坐風亭留御榻
新題金榜出高棖
日明仙仗朱旛動
雨暗江靈鉄騎馳
手種青松聞有實
康強却過種松時

題宣和所製赤駒圖

房星委地生神駿
衆馬不得相儔匹
千里風輕白玉蹄
平淵春浴丹砂質
自從長養入天閑
振鬣常陪乘輿出
未知赴敵見戈矛
所慣承恩聞警蹕
嘶當落日近
尊嚴氣抹長林動
蕭瑟不慚芻豆飽
微軀尚覬朝家三品秩
宣和殿裏

圖書暇親見圍人事爬櫛當時青海九萬餘未有一匹當
宸筆臨軒睥睨迥出群落紙須臾歛奔逸內侍傳宣賜近
臣再拜奎光欲騰室秋深沙苑多蒺藜夜半河南吹感粟
已詔民間置牧地如此龍媒敢輕失青城道上塵眯人六
宮粉黛無精神此時此馬
天子向南去哀哉委骨俱蒙塵
不能追隨

送蕭天祥為蕭山縣學官

儒官已在群僚底南士尤嗟一介微日送青冥何漠漠手
循華髮尚依依匡衡未老願堪解阮籍多窮淚可揮雁塔
近從秋草沒鶚林遠傍暮桑飛人皆鷄口喧爭利子獨鰲

頭坐失機寂寞宮墻悲傳舍荒蕪禮樂見深衣諸生載酒
同題句賢宰鳴琴共按徽綠樹雲回神禹下白蘋風起孝
嬪歸門當越嶺春橫地接江潮夜撼扉定與王郎招爽
氣復陪賀監倚斜暉登臨轉忽過勝絕寧教草違
端欲早收榱與角祇愁空老故山薇

華彥清登常州玄妙閣有詩因同韵

地接三吳口人接衆楚音樹迷晴漠花亂夕森碧是
當時血春冰往日心翻思當矢石猶暇惜冠簪丞相戈如
雪將軍志比金倉皇驚破竹踴躍念披衿壞堞仍存舊高
標獨峙今星河垂綺戶雲霧出琪林鳥去蒼茫閣帆歸迤

運深諸天欣共賞勝地肅同臨突兀雄連棟依微隔遠岑
紫霄停廣樂白石閱層陰倒影何多美空歌試一吟悠々
江海興舟々市塵侵

題割股老女卷

蜂蠆螫我手阿譽湏動色如何割股女引刀不愛惜見父
不見肉視股如視石眼前秦越人區々較肥瘠

呈王本齋尚書

聖主光先業王春再至元贊襄符妙筭擇選副深論衆悉
推耆德三曾鎮大藩虎珠秋月避烏幟海雲翻籍番禹頌
明々造化息清標非栢府高秩是薇垣煮海民為食經營

古所敦弊政思張弛長材昇輕軒光芒分八座精采送孤
騫昂重千鈞小膠清萬丈渾龍文湏御服馬潼錫壺尊香
散知心醉春回到骨温冰霜愁左 風雨命前奔竈々連
雲船々附蟻屯絕知忘夙夜何暇覓饕殮昔也東西浙歡
然遠近言市無憂折閱人不困牢盆公日唯扃戶方時亦
在門從容嘗接語歎息每銷魂短褐 如鬼傳食首欲髡
潮乾晴沫白日淡暮煙昏卒戌春鳴柝人家月始樊鹵成
俱井々地限各村々碧海浮天際黃茅暗竹根緬思多仿
佛已閱十寒暄識量今逾老聲華晚更尊謬知慚翫散甚
欲寫璠璣形弔徒蕭瑟心馳正鬱煩仙花園雪淨江草亂

雲繁早晚招魚艇
丘墟問故園
摳衣瞻管仲
掃榻寄陳蕃
袍笏仍圖畫
山林數記存
此時鷗與鷺
隨意樂乾坤

清閼閣詩二首

門前灌木春啼鳥
屋畔長松夜宿雲
剪得蒲苗青似髮
燒殘香篆白成文
偶同杜老唯耽句
遂訝顏淵不茹葷
境勝固應天所惜
品題瀟洒最憐

湘簾半捲雲當戶
野鶴一聲風滿林
才立簾紋波細
又疑墻影雪陰
竹搖柴几常開帙
花落藜床獨抱琴
不謂世間仍得此
恍然飛屨駐仙岑

新正獨坐

前代將軍五世孫
華陽洞裏事茅君
白虹夜隱蒼精劍
紫電晨書碧落文
花滿石壇長不掃
木生仙壤獨能分
尊君若見郎高士
為說山靈愛白雲

就王季野省父簡孫子翼處士

吾廬歷歷楚江邊
子渡江時暫泊船
須問垣墻仍好在
莫教風雨轉淒然
夢成蝴蝶隨春去
愁斷麒麟並塚眠
若見孫登還一笑
餘聲散入薜蘿煙

送覺上人謁龍翔錄寄子翼

偶逢吳下鄭居士
手把新詩就我吟
紙上姓名無俗氣
篇中律呂有遺音
鮫人淚落金盤冷
木客歌傳石磴陰
騰寫

已堪驚老眼龍翔一宿會知心

王季野由鎮江過揚州省覲父尚書以送

楚_上斑衣照暮春蒲帆帶雨出西津樹迷瓜步青如薺江
漾蕪城白似銀久謂尚書安寢少不勝天子寵榮新暫時
定省加懽懌枉使吹簫送客頻

奉白雲鄉兄

天寒客裏輕相別花落孤村喜獨來贈扇豈堪承故意徵
詩徒使愧非才汀洲日遠叅差樹門巷陰生宛轉苔玉珮
珊珊天未曉只聞長嘯一聲回

寄王仲叔

柳葉叅差蘭葉長西隣春酒鬱金香吾生不飲唯搔首此
物多情故惱腸髮已鏡添新歲白書仍筆點舊時黃向人
節序年_上異來往猶煩禮數忙

元日後雪

年前春色惱梅花年後寒如柳芽半夜人間成玉宇朝
元殿裡散天葩風生碧海雲無際日射藍田壁有瑕明發
扁舟西郭去一溪新水漲晴沙

送蔡霞外

不見道人今四載踈狂猶似舊時多自言曾到神仙宅公
亦須吟離別歌澗州陰_上披紫藟山花細_上落青蘿只愁

骨相無清氣赤水玄珠奈爾何

寄開元和尚

娑羅室內早春初經卷香花禮佛餘終日更談言外法十年不寄蜀中書夜深雪殿當空白月落風樓近竹虛若得為吾留一榻韋郎詩句豈容踈


元宵留無錫有感

曾聞故老說前朝今在殊方度此宵月殿不催春賜酒風檐空憶夜吹簫已無花影如雲起那有香塵作霧飄滿眼踈狂何所去青松接屋自蕭條

贈茅山呂洞陽兼寄郎孤岩

陌上誰家子行春並騎來揮鞭不相問回顧復疑猜二月初消雪東風尚落梅更尋禪宗地石上翫蒼苔

宣室雅集卷之三





2